

**HYGIASTICON
SEU VERA RATIO
VALETUDINIS
BONAE & VITAE
UNA CUM...**

Leonardus Lessius, Luigi
Cornaro, ...



12
14
5
35

3

HYGIASTICON SEV VERA RATIO VALETVDINIS BONÆ & vitæ

Vnà cum Sensuum, Iudicij, & Memoriz integritate ad extremam senectutem
conseruandæ:

Auctore LEONARDO LESSIO
Societatis IESV Theologo.

Subiungitur Tractatus Ludouici Cornari Veneti, eodem pertinens, ex Italico in Latinum sermonem ab ipso LESSIO translatus.

Editio tertia.



MEDIOLANI, Apud Io. Bapt. Bidell. 1615.
Superiorum permisso.



Imprimatur.
Comissarius S. Officij.
Gul. Vidonus Theol. S. Nazarij pro Illustris.
D. Card. Archiepisc.
Vidit Saccus pro Excellentiss. Senatu.

ILLVSTRISS. DD.

D. GREGORIO

A B B A T I,

D. Sigismundo Marchioni, ac ordinis Callatrauæ equiti, D. Ioanni Baptistæ, D. Carolo, D. Ioanni, ac duobus S. Ioannis Equitibus D. Petro, ac D. Philippo fratribus Sfondratis,

Io. Baptista Bidehus F.



Efferro vobis, Fratres Illustrissimi, opusculum multis nominibus nobis vestro debitum: Quod si ad eos pertinebat, quos ego maxime omnium amarem, ac colerem, quibus potius, quam vobis dicarem? Quorum ego ob generis nobilitatem, atque animi do-

tes me cupidum adeo, obser-
uantemq; profiteor, ut amo-
ris, & obseruantiae magni-
tudine tam superetur vires,
quā animus delectatur. Fa-
miliae autem vestrae splendo-
rem, ac dignitatem tantam
esse nemo nescit, ut retine-
re quidem possitis, augere
nequeatis. Huius rei testis
locupletissimus Gregorius
XIV. Pont. Max, cuius vos
pronepotes estis: ut Equites,
Senatores, Comites, Mar-
chiones, Ducum, Regum-
que, Consiliarios, atque Le-
gatos, ad Potentissimos ter-
rarum reges, Exercituum
Imperatores, Episcopos, ac
Cardinales, quibus semper
domus

domus vestra floruit, silentio præteream, præsertim cum de ipsis fama satis loquatur, & ego sciam vos ex Maiorum gestis non laudem quærere, sed laudum incitamenta. Ad quas ita toto pectore incumbitis, ut tanta reliquis vos imitandi spes sublata sit, quanta vobis ostenditur æternæ gloriæ consequendæ. Quare doctorum hominum opera nullibi aptius esse arbitror, quam domi vestræ, quæ literarum domicilium, & Mediolanensis Parnassus non immerito vocari potest. / Vos igitur, qui in pios, & literatos homines, mirifico

HYGIASTICON

SEV

VERA RATIO

VALETVDINIS

CONSERVANDAE.



Multi Auctores eruditè & copiose de conseruanda bona valetudine scripserunt: sed tot præceptis onerant homines, tot obseruationes & cautiones requirunt circa cibi potusque qualitatem & quantitatem; circa aerem, somnum, exercitia, tempus anni, purgationes, sectiones venarum, tot condita, opiata, & alia remediorum exquisitorum genera præscribunt, vt assidua sollicitudo ad ea seruanda debeat adhiberi, & mera seruitus fit, illa conari præstare. Accedit quòd effectus sit exiguus & sæpè nullus, dum id quod præcipuam vim habet, non obseruatur. Volunt enim homines liberè omnibus vesci quæ palato grata, & quantum appetitus desiderat: volunt se communi vsui accommodare, & sensualitati ac orexi indulgere. quo fit vt illarum præceptionum & obseruationum custodia parum illis profit. Quam ob causam plerique neglectis Medicorum præceptis, omnia, naturæ &

eventui committunt. Miserum putant, ex Medicorum prescripto vivere, iuxta dictum vulgare, *Qui medicè vivit, misere vivit*; miserum non posse quibuscumque cibis qui apponuntur, copiose vesci, non posse unquam appetitui satisfacere, & ventri satiare. Itaque comedunt bis tervè per diem abundè, quantum appetitus postulat, ex quolibet ciborum genere. Deinde sumpto cibo, functionibus mentis ad aliquot horas incumbunt: nec unquam in animum inducunt ut purgationes statim temporibus sumant, nisi morbi sensus urgeat, putantes omnia salva, cum nihil sentiunt adversi. hinc fit ut sensim crudis, & noxiis repleantur succis & humoribus, qui diuturnitate non solum augentur, sed etiam putrescunt, & maligniores redduntur; adeo ut oblata levi occasione, vel ab æstu & frigore, vel à profectione, aliòve labore, vel à ventis, vel ab alio aliquo excessu, & incòmodo, accendantur, & in letales morbos facessant.

2. Vidi ego multos viros præstantes in florenti ætate hac sola causa abreptos; qui si curandæ valetudinis rationem tenuissent, in plurimos annos ætatem prorogare, & sua doctrina, vel præclaris factis magna commoda mundo adferre, & sibi longè maiorem coronam in cælo promereri potuissent. Multi etiam sunt tam in Religionibus quàm in sæculo, qui huius rei imperitia sæpè malè valent, nec ita possunt studiis, aliisque mentis functionibus vacare, sicut & ipsi optarent, & eorum vocatio

po-

postulat.

Quæ cum multis iam annis in variis locis considerassem, cogitavi operæpretium me facturum, si eam rationem conservandæ bonæ valetudinis proponerem, quæ & ipse me plurimis annis in multis corporis incommodis, (post iudicia præstantium Medicorum, qui solum biennium vitæ tribuebant) sanum, & ad omnia mentis officia expeditum præstiteri, & alij tum in nostra Societate, tum extra, se diutissime incolumes & alacres tuentur, & superioribus sæculis sancti viri & philosophi plurimum usi sunt. Ea potissimum sita est in recto victus ordine, & cibi potusque certa moderatione; non molesta, quæ affligat & debilitet, sed naturæ accommoda, quæ recreet, & vires corroboret.

Hæc cogitanti exhibitus est à viro illustri libellus quidam de Vita sobria, Italico sermone conscriptus, auctore D. Ludovico Comaro Veneto, magni ingenij viro, honorato, opulento, & conjugij vinculis adstricto, in quo mirificè hæc ratio commendatur omnibus, & multa certa que experientia comprobatur. Valdè recreatus fui libelli huius lectione, planeque dignum iudicavi, quem in Latinum sermonem translatum omnibus facerem communem: præmisso hoc meo Tractatu exægetico.

Nequæ hæc tractatio aliena videri debet ab initio meo, qui Theologiam, non ar-

Argu-
mentum
Medicum
profiteor.
Nam præterquam
quod Medices theoriam
olim non leuiter
attul.

Alienum a theologi instituto. attigi; res hæc à Theologi instituto non est aliena. Agitur enim de virtute pulcherrima Temperantiæ: in quo nimirum ipsa consistat, quod sit eius medium, quæ mensura obiecti: quomodo hæc mensura inuestiganda: denique qui fructus ex ea nascantur. Itaque hæc consideratio non ita est medica, quin etiam suo modo ad Theologiam, & moralem Philosophiam pertineat. Accedit quòd finis & scopus, quem hac in re potissimum specto, Theologo sit dignissimus. hic est, ut plurimis viris religiosis, & aliis pietati addictis suppetat commoda ratio, qua Deo Domino nostro longo tempore facilius, letius, & feruentius seruiant, cum magna sua spiritali voluptate, & ingenti merito æternæ gloriæ. Incredibile enim dictu est, quanta facilitate & interna consolatione vacetur orationi, recitentur præces canonicæ, petagatur Missæ sacrificium, incumbatur meditationi rerum diuinarum, legatur sacra Scriptura ab ijs, qui vel cum mediocri talium rerum scientia, sobriæ vitæ sunt addicti. Hic meus præcipuus scopus in hoc Tractatu: hoc meum summum votum. Omitto quantum momenti adferat etiam alijs omnibus ad studiorum progressus, & ad omnia negotia, quæ mente & ingenio peraguntur, facilius & felicius petagenda. Verum de his & alijs commodis infra ex professo dicemus. Itaque siue materiam spectes, siue sopplum, non debet hæc tractatio aliena à Theologi instituto videri. Habes, Lector, ratione mea in hoc opusculo instituti.

Ita.

Valetudinis Conseruandæ. I I

Itaque vt rem ipsam aggrediamur, Primum dicemus, Quid intelligatur nomine *Vitæ sobriæ*. Secundò, Qua via & ratione possit iusta mensura in eius obiecto constitui. Tertiò, Qui sint eius fructus & com-
moda.

Quod ad primum attinet: *Vitam sobriam* hic vocamus, non solum quæ modum ita-
tuit in potu, sed etiam in cibo; ita vt non
amplius cibi vel potus assumatur, quàm
corporis constitutio in ordine ad functio-
nes animi postulet. Eandem vocamus *Vi-
tam ordinatam, regulatam, temperatam*. his
enim nominibus idem significamus. Itaque
materia circa quam potissimum versatur
hæc vita, seu Temperantia, est cibus & po-
tus; in quibus debitam mensuram constan-
ter seruat. Secundariò tamen, & posteriore
cura cauet etiam ab aliis excessibus, v. g. ni-
mio æstu, frigore, fatigatione, & similibus
quæ valetudinem ledunt, & functiones ani-
mi impediunt.

Mensura illa non est eadem respectu om-
nium, sed diuersissima, pro diuersa corporis
constitutione, robore, ætate. Alia enim con-
uenit ætati florenti, alia senili; alia robusto,
alia debili; alia sano alia ægro; alia corpori
bilioso, alia pituitoso. Diuersa enim in his
est facultas ventriculi: cui facultati hæc mē-
sura exactè, quantum fieri potest, debet esse
æqualis & commensa. Ea enim est
cuiusque, quā facultas ventriculi ipsius in-
ter occupationes animi & corporis, quibus
ille distinctetur, perfectè potest concoquere,

& alendo corpori satis est.

Dico inter occupationes animi & corporis, &c. Quia maior mensura congruit illi qui corporis exercitiis est deditus, & corpus assidue exercet, quàm ei qui totus est in studiis, meditatione, oratione, aliisque mentis functionibus. Functiones enim animi valde impediunt & retardant concoctionem: vel, quia dum totam vim animæ sursum trahunt, actiones virium inferiorum quodammodò suspendunt; ut experimur cum attentis studiis vel orationi nec horas audimus, nec ea quæ ante oculos sunt, aduertimus: vel, quia spiritus non solum animales, sed etiam vitales & naturales auocant. Hinc sæpè fit, ut duplo minus cibi ac potus conveniat ei, qui studiis & mentis functionibus est intentus, quàm ei qui assidue corpus exercet; etiam si viribus alioquin & ætate sint pares.

7 Itaque difficultas est in hac mensura invenienda. Quod etiam notauit S. Augustinus lib. 4. contra Iulianum cap. 14. ita scribens: *Iam verò, cum ad usum ventum fueris necessariae voluptatis per quam reficimus corpus quis verbis explicet quemadmodum nos modum necessitatis sentire non sinat, & ipsum limitem procurandæ salutis (si qua adsint delectabilia) rapiendo abscondat & transeat, putantibus nobis satis non esse quod satis est, dum libenter eius promocationibus ducimur, existimantes nos adhuc agere negotium valetudinis, cum agamus potius voluptatis. Ita nescit cupiditas, ubi finiatur necessitas. Quibus verbis causam huius difficultatis refert in voluptatem, quæ facit*

facit, vt non sentiamus qñ ad debitam men-
suram peruentum fuerit, & abscondit illum
limitem, vt eum transiliamus, nobisque per-
suadet nos agere causam sanitatis, cum aga-
mus voluptatis. Itaque de hac mensura, *Quomo-
do men-
sura in-
uesti-
ganda.*
quibus obseruationibus sit inuestiganda;
nobis secundo loco dicendum: allatis ad eam
rem quibusdam regulis, è quibus illa colligi
possit.

Sed hic occurrent forte aliqui: Non opus
esse, vt in monasterijs quispiam de ea men-
sura sibi præfigenda sit sollicitus, cum ipse
Ordo, vel Superiores prudenti iudicio hanc
mensuram definierint, constituendo vt pro
ratione temporis tot portiones apponantur
tantum piscium, vel ouorum, vel carniū
tantum leguminum, orizæ, sorbitionis, fru-
ctuum, casei & butyri: tantum cereuisiæ, &
vinis omnia certo numero & mensura defi-
nita. Possumus ergo omnia ista tutò sumere,
nec debitam mensuram excedemus. Hi ca-
tarrhos, tusses, dolores capitis & stomachi,
febres, & alios morbos, quibus sæpè confli-
ctantur, non putant prouenire ab excessu ci-
bi vel potus, sed assignant ventis, auræ mali-
gnæ, vigilijs, nimio labori, & similibus cau-
sis extrinsecis. Sed falluntur manifestè. Vbi
enim est tanta diuersitas corporum, & vi-
rium ventriculi, non potest eadem mensura
omnibus esse accommodata; sed quod huic
robusto & iuueni est æquale, illi debili & se-
ni in duplum vel triplum est nimium: vt
benè docet D. Thomas 2. 2. q. 141. a. 6. Ari-
stotelem secutus: estque per se satis clarum.

Itaque

Itaque non eo consilio ea portionum quantitas & multitudo à Superioribus est constituta, ut quilibet sibi persuadeat hanc mensuram sibi congruere; sed ut etiam robustissimi satis haberent: ceteri verò ex diversis sumerent quod placeret (tamen ea mensura, quam ratio diceret) & in ijs quæ relinquerent, haberent occasionem meriti fræmando gulam. Non est difficile dum ille celebrat absunt, temperantiam præstare; sed esurire inter epulas, & cohibere ventris ingluviem irritamentis præsentibus, hoc opus, hic labor est, præsertim iunioribus, & alijs nondum gulam penitus domitam habentibus, ac proinde magni apud Deum meriti. Unde ne in Religionibus hæc augendæ coronæ occasio desit, subinde aliquid amplius & in varietate, & in quantitate conceditur, quam temperantiæ mensura requirat.

Nec obstat quòd illa dicantur dari ad aliquam naturæ recreationem; quia hæc recreatio non consistit in eo, ut consueta temperantiæ mensura tunc notabiliter excedatur, sed ut varietate quadam, vel grato ciborum, qui rarius dantur, sapore delectetur, semper tamen intra mensuram temperantiæ, ita ut appetitus non omnino satiatur. Quidquid enim hanc mensuram excedit, in vitio ponendum, siue nuptiæ sint, siue æcænia, siue quævis alia cõuiuiorum solemnitas. Excedit verò quidquid superat eā quantitatem, quam ventriculus potest perfecte concoquere, nulla cruditate relicta.

Ad hanc mensuram deprehendendam, uti
pos.

possumus hisce regulis, & obseruationibus.

Prima Regula. Si tantum ordinariè sumas, vt postea parùm sis aptus functionibus mentis, orationi, meditationi, studijs litterarum, perspicuum est te mensuram iustam excedere. Natura enim, & ratio postulat, vt pars vegetans ita foueatur, vt facultas animalis & rationalis non offendatur; quia illa his seruire debet, & esse adminiculo ad earum functiones, non impedimento. Cùm ergo tantum ingeritur pro parte vegetante, vt functionibus superiorũ facultatum, nempe sensuum, imaginatricis, intellectus, memoriæ, notabile detur impedimentum; signum est congruentem mensuram excedi. Prouenit hoc impedimentum ex vaporum qui potissimum è ventriculo in caput emittuntur, redundantia: qui modicè tantum eò mitterentur, si mensura non excederetur, vt experientia constat. Nam qui sobriam vitæ rationem sectantur, tam sunt ad omnes animi functiones expediti post cibum quàm ante: vt Auctor noster, quem infra subiunximus, sæpè testatur, & ipse quotidie experior & alij plurimi in nostra Societate experientia docti nouerunt. Imò sancti Patres, qui solum semel per diem cibum sumebant, ita parcè id faciebant, vt nullo modo in functionibus animi impedirentur; quantò facilius id præstare possunt qui illam quantitatem diuidunt, & gemina refectione modicè vtuntur?

Dixi fumos istos, qui cerebri serenitatem obnubilant, potissimum prouenire è ventriculo

culo cibis assumptis: quia etsi hæc præcipua sit causa, non tamen sola. Non enim solum è cibo recens assumpto, qui iam efferuescere & concoqui incipit, proueniunt: sed etiam è copia sanguinis & humorum qui sunt in hepate, liene, & venis; qui simul incalescunt, & magnam vim huiusmodi fuliginum fursum mandant. Verùm sobria vita sensim hanc plethoram vel cacochymiam castigat, & ad debitum modum tum in quantitate, tum in qualitate reuocat: adeò vt cibo assumpto non amplius huiusmodi fuligines in caput emittant. Quando enim natura perfectè suos humores per facultates vegetantes regit; ita omnia dispèsat, vt neque vlli nascentur morbi, neque functionibus superioribus præbeatur impedimentum.

Nec refert quòd multi viri sobrietati dediti à prandio se tradant quieti, & paulisper dormiant: quia id ob eam causam faciunt, vt vires laboribus mentis vel corporis antea fatigatæ, somno recreentur, & spiritus consumpti reparentur. Ad vtrumque enim seruit somnus. Deinde somnus iste est breuissimus; & nisi consuetudine vel fatigatione aliquā tenerentur, facillimè possent illum declinare. Nonnulli somnum hunc diutius protrahunt, sed tantumdem postea nocturnæ quieti detrahunt, in duas veluti partes totam corporis quietem partientes.

21 *Secunda Regula.* Si tantum cibi vel potus assumas, vt postea sentias torporem quemdam, gravitatem & lassitudinem corporis, eum antea esses agilis & excitatus; signum est

est mensuram congruentem excedi: nisi forte ex morbo, vel morbi reliquijs, id proueniat. Cibus enim & potus, naturam & vires corporis recreare debent, & alacriores reddere, non grauare, & opprimere. Qui ergo ita constituti sunt, vt grauamen sentiant, his dimensum diurnum minuendum, præuia diligenti consideratione, vtrum excessu ciborum hoc incommodum proueniat, an potio- nis, an vtriusque: eoque deprehenso, sensim corrigendus, donec ad eam mensuram redigatur, ex qua non ampliùs sentiatur incommodum.

Multi hic falluntur, qui etsi largè comedant & bibant; cibisque alimentosis vtantur, tamen semper queruntur se debiles; & putant id ex defectu alimenti & spirituum prouenire: vnde cibos maioris alimenti poscunt; & manè ad ientaculum properant, ne videlicet natura deficiat alimenti inopia. Verùm falluntur, vt dixi, & miserum corpus succio nimio grauatum magis grauatur. Hæc enim debilitas in huiusmodi non prouenit ex defectu; sed ex humorum copia (vt plerumq; etiam habitus ipse corporis, ventrisque tumor indicant) qui musculos, & spirituum vias & meatus, neruos inquam, nimium humectant. quo fit vt spiritus animalis (à quo tamquam vniuersali, & proximo animæ instrumento, omnis vigor corporis in sensu & motu) liberè commeare, & corpus regere nequeat. hinc illa debilitas & corporis grauitas, sensuumque torpor, spiritus animalis per plethoram quodammodo in-

ter.

percepto. Docet id in plurimis plethoricis & cacochymis corporibus quotidiana experientia, quæ cum tempore matutino sunt languida & torpeant ob nimiam humiditatem ex pridiana cœna & somno nocturno relictam, consumpta per inediam & apophlegmatismos humiditate, sensim sunt alacriora, & magis magisque vegeta, crescitque ille vigor usque ad vesperam, etiamsi valdè parum, vel nihil sumatur meridie. Quod si durante ista humiditate & debilitate rursus comedant, præsertim humida, & notabili quantitate, augetur malum, & manent in suis miserijs. Itaque si quis agilis, & ad omnem motum ac sensum usum expeditus esse velit, minuendi humores per dietam, ut spiritibus toto corpore sit liber commeatus, & anima illos ubique ad omnem motum, omnesque functiones corporis, paratos habeat.

23

Tertia Regula. Ab inordinata viuendi ratione non est immediatè transeundum ad exactam regulam; sed id sensim faciendum, minuendo modicis subtractionibus consuetam quantitatem, donec ad eam perueniatur mensuram, quæ non ampliùs animi functiones offendit, nec grauat corpus. Est communis Medicorum doctrina. Omnes enim subitæ mutationes, si sint notabiles, offendunt naturam, propter consuetudinem (quæ veluti est altera natura) à qua violentè receditur, & inducitur quod illi est contrarium. Sicut ergo id quod est contrarium naturæ, vehementer sentitur & affligit: ita quod est
con.

Valetudinis conseruandæ. 19

contrarium consuetudini, quando illa adhuc viger. Vnde sensim & exiguis momentis recedendum. Sic enim inuolita consuetudo veluti per exiguas particulas gradatim tollitur, & eneruatur, sicuti gradatim aetate creuit: ac proinde modicè sentitur, parumque molesta est talis mutatio.

Quarta Regula. Et si non possit certa quantitas statui quæ omnibus sit accommodata, propter ætatum viriumque varietatem, ciborumque discrimina: ad senium tamen vergentibus, & debilibus communiter satis esse videtur 12. 13. vel 14. vnciæ cibi per diem, computato pane, carne, ouis, vel alijs obsonijs quibus quisque vescitur; & totidem vel paulò plures vnciæ potus. Ita sentiunt quidam ratione probabili, & experientia ducti. Hoc intellige de ijs qui parum corpus exercent, & toti studijs, vel alijs mentis officijs sunt addicti. Sanè D. Ludouicus Cornarus, cuius opusculum de vita sobria hic subiecimus, hanc mensuram probat, eamque sibi anno 36. ætatis præscripsit, & vsque ad finem vitæ tenuit. vixit tamen diutissime, & sanissime. Sancti quoque Patres in eremo, & si solo pane vescerentur, & aquam biberent, hanc mensuram non excedebant, sed eam passim in monasterijs etiam lege statuebant, ut scribit Cassianus collat. 2. abbatibus Moysis cap. 19. ubi abbas Moyses interrogatus quisnam esset optimus temperantia modus, ita respondet: *Super hac re inter maiores nostros frequenter nouimus habitum fuisse tractatum. Nam discipientes conti-*
nen.

mentias diuersorum, qui vel solis leguminibus, vel oleribus tantum, vel pomis vitam iugiter exigebant; præposuere cunctis illis refectiorem solius panis; cuius æquissimum modum in duobus paximacijs statuerunt, quos paruulos panes, *viz.* libræ vnius pondus habere certissimum est. Itaque in singulos dies circiter 12. vncias panis statuebant instā mensuram, quæ omnibus passim satis esse posset libra enim apud veteres est 12. vnciarum, non 15. vt apud nos.

- 15 Quidam putant singula paximacia fuisse vnius libræ: & ita intelligunt verba abbatis Moysis, quos paruulos panes, singulos nimirum. Sed non id de singulis, verum de duobus iunctim esse intelligendum, videtur manifestum, si res attentè consideretur. Primum, quia voluit exprimere quantum tota mensura, quæ duobus paximacijs costabat, penderet; non quantum singula paximacia. Deinde, quia illa mensura panis censebatur satis exigua, & valdè difficilis seruatu; vt idem abbas Moyses docet cap. 21. Atqui si duo paximacia erant duæ libræ panis per diem, non fuisset ea mensura exigua; nec difficilis ad seruandum: maximè senibus. Quis enim tanta quantitate panis assumpta non habeat satis, aut dicatur modicè aut parum sumpsisse? Imò mirum videretur etiam apud nos, quibus regio frigida, si religiosus aliquis vna refectiōe duas libras panis comederet: nec ille (quod ad quantitatem attinet) abstinens & sobrius censeretur, sed potius multi cibi, & vorax. Præterea duo paximacia

macia adeò non explebant famem, vt quidam mallēt biduo ieiunare, quàm quotidie cum alijs refici: nimirum vt duplicatā portionemsumerent, & appetitui satisfacerent vt refert idem abbas Moyſes c. 24. vbi etiam id improbat. At quis exercitijs mentis deditus, comedat vna vice 4. libras, ſive 48. vncias ſicci panis? Deniq. vt idem abbas Moyſes refert cap. 11. abbas Serapion eum adhuc eſſet puerulus, poſtquam tempore reſectiōis hora diei nona cum alijs ſumpſiſſet duo paximacia, adhuc famebat; & idcirco ſurabatur tertium, quod poſtea clanculum comederet. At quis puerorum tres libras panis comedat? Itaque certum videtur ſingula paximacia fuiſſe ſolū ſex vnciarum, & duo ſimul iuncta pēdiſſe circiter libram.

Quòd ſi illi Patres per longam experientiam ſatis eſſe iudicarunt duodecim vncias panis ſicci abſque vilo obſonio, & cum hac dixta ad extremam ſenectutem ſani, & ſenſibus integri peruenerunt: quāto magis ſatis eſſe poterunt 6. 7. 8. vnciæ panis cum 6. vel 7. vncijs optimorum obſoniorum, quæ duplo plus alunt quàm ſiccus panis? His accedit loco aque (qua illi utebantur) quæ per ſe non alit, cereuiſia vel vinum, quæ multum alimentum præbent. denique experientia conſtat, multos eſſe quibus longè minus cibi & potus ſatis ſit.

Eſt hic potiffimum de debilibus, vel ad ſenium vergentibus, ſermo ſit tamen valde probabile ſentio, ſupradictam menſuram etiam ſanis, robuſtis, & in ætatis flore conſtitutis



tutis ordinarie sufficere, si multum orationi, studijs, alijsve mentis functionibus sint dediti. Probant hoc infinita exempla sanctorum uirorum, qui etiam ab anno 15. 16. aut 20. hanc mensuram vel etiam minorem sunt complexi: etiam si solo pane & aqua, vel paucis oleribus aut leguminibus uterentur: & tamē diutissimē, sanissimē in summis laboribus mētis, & maxima corporis afflictatione vixerunt: ut videre est in plurimis, quorum vitæ extrāt: ex quibus aliquot referemus infra. n. 35. Deinde, quia in plurimis Monasterijs hæc mēsurā communiter lege sãcta erat tamquam ordinariē omnibus tam iunioribus quàm senioribus sufficiens. Vnde Patres illi, qui maximam harum rerum experientiam habebant, & optimē norant quantum natura requireret, iudicauit hanc mensuram ordinariē omni ætati posse sufficere. Idē sentit noster Auctor, & suo exemplum probat: nam ab anno 36. ætatis incepit.

Quod verò quidam hic obijciunt de panatella, eam facillē septem, octo, vel nouem uncias continere, ac proinde tunc non nisi tres vel quatuor uncias panis & obsoniorum restare; facillē soluitur. Nam esculenta & potulenta si misceantur (ut in panatella & similibus menestris) seorsim expendenda sunt; & in suum reducenda ordinem, ad constituendam debitam mensuram. Liquor enim potabilis, ad mensuram potus pertinet, panis, ad mensuram eduliorum. Verum nostri instituti non est, hæc minuta persequi. facis est ostendisse generatim, illam mēsuram

suram à ratione non abhorrere.

Quinta Regula. Quod ad qualitatem attinet, ea non est magnopere curāda, si sano sis corpore, & tale genus cibi vel potus naturam tuam non offendat. Omnes pænè cibi communiter vsitati naturę benè constitutę congruunt, si debita in illis mēsurā servetur. Vnde etiam solo pane cum lacte, butyro, caseo, & ceruisia, diutissimè & sanissimè quis viuere potest; præsertim qui à puero ita consuevit. Ab ijs tamè quę nocent cauendum, etiam si palato alioquin sint gratissima, ne magna saltem quantitate sumātur. Talia serè sunt pingua, quę & stomachum relaxant; eiusque vires in astrictione fitas dissolunt, concoctionem reliquorum ciborū impediunt, eosque semiconfectos & semicrudos stomacho excidere faciunt; in caput fumos copiosè emittunt; vnde nebulę, tussēs, asthmata, aliaque pulmonis mala. Denique ipsa nisi probè concoquātur (ad quod opus est & stomacho bono, & tempore diuturno) vertuntur in prauos humores materiamque febrilem, dum partim in biliosos, partim in phlegmaticos succos facessunt. His igitur studiosis viris vtendum parcius, adhibita sufficienti panis quantitate. Sic enim eorum noxa magna ex parte impeditur.

Talia item sunt omnia, quę experientia teste, vel capiti suffusiones, nebulas, vertigines, destillationes aut tussēs adferunt; vel ventriculo cruditates, inflationes, tormina, morsus, laniationes faciunt; vel alia ratione statum corporis, aut animi functiones

16

17

etiones lædunt. Absurdum enim est tantis incommodis tam vilem ac breuem mundinæ regulæ voluptatem. Nulla re magis proficetur quis regulæ mancipium, quàm si, ut illi satisfaciatur, noxia ingerat. Cum dicitur ab his cauendum, non sic intelligas, quasi ne parcè quidè liceat uti (sicut quidam à brassica, cæpis, caseo, fabis & pisces, metu humoris melancholici, biliosi, viscosi, inflationis, scrupulosè abstinent) sed ne assumantur notabili copia. Exigua enim quantitate, vel rariùs assumpta nocere non possunt, præsertim si grata appetitui. Imò sæpè quæ magna quantitate obsunt, modica naturæ profunt.

Inter omnia ciborum genera, senibus & debilibus nihil cōuenientiùs panatella; quæ sola cum vno vel altero ouo saluberrimè quis & diutissimè viuere potest; ut auctor noster testatur. Panatellam Itali vocant puliculam, quæ ex pane & aqua, aut carnum iusculo, simul coctis constat. Ratio cur hæc sit maximè conueniens, est, tum quia concoctu facilissima, cum iam sit instar illius chyli quem stomachus ex cibis concoctione efficit: tum quia qualitatibus est temperatissima: tum quia putredini & corruptioni minimè obnoxia, ut multi alij cibi, qui in stomacho putrescunt. Denique copiosus & probus sanguis ex ea conficitur. Facile etiam aliquid addatur, quò vel calidior euadat, vel magis alimentosa. Vnde merito dixit Sapiens Ecclesiastici 29. *Initium viæ hominis aqua & panis* Quibus verbis significat vitam hominis his duobus potissimum fulciri & con-

constare, eaq; vitæ conseruandæ esse maximè conuenientia; vt frustrà pretiosæ carnes & pisces, aliaq. gulæ irritamenta quærantur.

Plutarchus lib. de sanitate tuenda non probat carnes. ita enim scribit: *Maxime cruditates metuendæ sunt ab esu carniū. Nam hæ & initio statim valde prægrauant, & reliquias post se malignas relinquunt. ac optimum quidem erat ita corpus assuescere, vt nullum id carniū requireret esum. Non enim ad nutriendum modò sufficientia largiter tellus producit, sed etiam ad delectationem & voluptatem: quibus partim nullum alium apparatus requirentibus vesci possis, partim sexcentis modis miscere & suauia reddere. Ad cuius sententiam accedunt multi Medici, eamq. probat experientia. multæ enim sunt nationes quæ ratò carne vescuntur, sed potissimum viuunt oriza & fructibus, & tamen diuicissimè viuunt & sanissimè, vt Iaponij, Chineses, Africani multis regionibus, & Turcæ. Idem cernitur in plurimis agricolis & mechanicis, qui ordinariè vescuntur pane, butyro, pulticula, legumine, herbis, caseo; carne rariùs; & tamen corpore sunt non solum sano, sed etiam firmo vitæque diuturnæ. omitto Patres qui in eremo vitam egerunt, & omnia antiqua monasteria.*

Sexta Regula. Quibus bona valetudo 19
curæ est, iis maximè cauenda ciborum varietas, & exquisita condiendi ratio. Hinc doctissimus Medicus Disarius apud Macro-
bium l. 7. Saturnal. c. 4. & Socrates monent;

B

illos

illos cibos potusq. vitandos, qui *ultra sitim famemq; sedandam appetentiam producerent*. Idem est commune Medicorū præceptum. Ratio est, quia illa varietas semper nouo modo gulam prouocat, & appetitum excitat, ut nunquam videatur satis sumplisse; quo fit ut iusta mensura enormiter excedatur, & triplo vel quadruplo amplius sumatur, quam natura postulet. Deinde quia diuersorum ciborum diuersa est natura, diuersum temperamentum, & sæpè contrarium: quo fit ut alii citius, alii tardius concoquantur. Hinc mira in ventriculo cruditas, & totius concoctionis deprauatio; hinc inflationes, tormina, colicæ obstructionsq; renum dolores & calculi: itaque & ratione quantitatis nimie, & ratione varietatis, maximæ chyli seu succi, ex quo sanguis conficiendus, cruditas & inquinatio. Vnde Franciscus Valeriola insignis Medicus, locorum communium lib. 2. cap. 6. hac de re disputans, ait: *Ciborum varietate & copiam eadem mensa, & productione in longas moras, nihil nocentius homini ad salutem, omnibus ex æquo Medicis visum est*. Vide plura hac de re pulchrè disputata apud Macrobiū loco citato. Scribit Xenophon lib. 1. de dictis & factis Socratis, eius diætā fuisse simplicissimā ac tenuissimā, adeo ut nemo sit, qui non possit facili negotio talem sibi parare. minimo enim sumptu opus fuisse. Athenæus lib. 2. refert ex Teophrasto, Phalinū quendam nullo alio cibo vel potu totius vitæ decursu vsum, quàm lacte solo, alios mul-

tos

tos ibidem commemorat, qui victu simplici
vñ. De Zoroastro refert Plinius lib. 11. cap.
42. eum 20. annos in deserto vixisse solo
casei esu, qui ita temperatus erat, vt vetu-
statem non sentiret. Denique & olim om-
nibus sæculis, & modò apud omnes gentes
illi salubriùs & diuitiùs viuunt, qui simplici
tenui ac vulgari ratione victus vtuntur.

Septima Regula. Cùm tota difficultas in 20
constituenda seruandaque iusta mensura,
proueniat ex appetitu lenuali, & appeti-
tu ex apprehensione imaginationis, qua
cibi concipiuntur vt delectabiles, danda
maximè est opera, vt talis imaginatio cor-
rigatur. Ad quod hæc duo inter cetera mul-
tum valent. Primum, Subducere se ab epu-
larum conspectu, ne specie & odore suo
imaginationem excitent, & gulam alliciāt.
Præsentia enim obiecti naturaliter mouet
potentiam. Multò difficilius est continere
appetitum epulis præsentibus, quàm absen-
tes non concupiscere. Idem accidit in aliis
omnibus sensuum obiectis & lenociniis.
Secundum, Imaginari res eas ad quas gula
incitat, non vt blandas, odoratas, suaves,
palato oblectabiles, quales modò videntur,
sed vt fædas, sordidas, olidas, detestabiles,
quales mox futuræ. Quælibet res dum in
sua resoluitur principia, tunc apparet qua-
lis re vera sit, & quidnam sub amabili illa
specie latebat. At quidnam putentius aut
fædius illis deliciis, simulatque leuem alte-
rationem in stomacho subierint? Imò quò
quid gulæ videtur gratius, cò mox euadit

detestabilius, & maiorem fœtorem exhalat. Vnde qui deliciis disfluunt, nisi externis odoribus utantur, graueolentia corporis sui molesti sunt, intar cadauerum putentes. Similiter excretiones teterrimo sunt odore, & halitus fœtor intolerabilis. Contrà fit in rusticis & mechanicis, qui pane cibario, caſeo, & alijs cibjs vulgaribus téperatè utuntur. Meritò ſic à Deo comparatum eſt, vt delicias diſcamus aſpernari, & ſimplici viſtu eſſe contenti. Itaque hæc ſæpè animo voluenda, & imaginatio in hunc modum aſſuefacienda.

21 Verùm occurrunt hic duæ dubitationes.

An mēſura ſit varian- da. Prima eſt, Verùm mēſura cibi & potus, ſi militèr & qualitas non ſit varianda ſecundùm tempus anni. Plus enim videtur aſſumèdum hieme quàm æſtate; eò quòd hieme ventres (teſte Hippocrate ſect. 1. aphor. 15.) ſint calidiores, dum propter frigus ambiens calor à circūferentia concurrit ad centrum, ſeu ad intima viſcera: æſtate verò languidiores, ob cauſam contrariam; nimirum quia calor ab intimis partibus euocatur ad circūferentiam, & diſſipatur. Pari modo hieme utendum ſiccis & calidis ob copiam pituitæ, quæ tunc redundat, & non diſſipatur: æſtate potiùs humidis & refrigerantibus; quia per calorem aeris ambientis magna ſit humorum diſcuſſio, & corpus areſcit.

Reſpondeo, Iuxta Medicorum placita ita videri faciendum; non tamen anxie aut minutè, ſed prout ſe offert commoditas.

Quòd

Quòd si non adfit commoditas, non est magnopere curandum: Nam si opus sit diætâ sicciore, vt hieme, & quando diuturnæ pluuiæ, facile est augere quantitatem panis, & minuere quantitatem potus ac obsoniorum humidorum. Copia enim potus & humidorum quæ tempore sicco iuuat, eadem si humida aura & subfrigida per aliquot dies sumatur, nocet, destillationes, raucedines ac tusses procreans. Quando verò opus est diætâ humidiorè, augeri potest mensura potus, addita vino maiore aquæ quantitate; vel loco vini potest assumi tenuis cereuisia, quæ satis humectat & refrigerat. Hinc sancti Patres olim non videntur huius discriminis temporum magnam habuisse rationem, vnam eandemque mensuram, & vnius generis cibum & potum per totum annum constituentes: & tamen diutissimè vixerunt. Nunc tamen in monasteriis hac in re satis valetudini est consultum, vt congruentia tēpori edulia præbeantur; ex quibus qui sobrietatem sectari volunt, sibi maxime accommodata possunt seligere.

Altera dubitatio est, Vtrum illa mensura 22 de qua diximus, vna refectioe an pluribus *Vtrum* sit sumenda. Respondeo: Etsi veteres omnes *semel* qui temperantiam eximie coluere, vna refectioe *an bis* contenti fuerint, idque vel post solis *cibus* occasum, vel hora diei nona, seu tertia post *sum en* meridiem: vt refert Cassianus collat. 2. ab *bas.* batis Moyſis c. 25. & 26. tamen multi conuenientius censent vt senes bis reficiantur, *distributa in duas partes supradicta mensura.*

ra. Ratio est; quia cum senes ob imbecillitatem non possint multum vna vice assumere, expedit ut sæpius comedant, sed modica quantitate. Sic enim fiet ut non grauentur cibo, & facilius concoquant. Itaque in prandio poterunt sumi 7. vel 8. vnciæ, vesperti 3. vel 4. aut contra, prout cuiuslibet est commodius. Verum in istis diuturna consuetudo magnam vim habet: similiter & corporis dispositio. Nam si ventriculus pituita frigida & lenta abundet, magis expediens videtur, ut semel tantum comedat: quia multum temporis requiritur ut illa cōcoquatur vel extenuetur: idque ipsa experientia abundè compertum habeo. Si tamen refectio in vesperam differatur, proderit meridie modicum quid sumere, præsertim quod iuuet ad nimiam ventriculi humiditatem exsiccandam. Vel si meridie prandeatur, tale quid expediet sumere vesperti, v. g. passulas cum pane, vel similia. Maximè enim iis qui ita affecti curandum, ut humiditas ista stomachi, quantum fieri potest, corrigatur. quia inde stomachus flatibus, & caput nebulis lētoq; phlegmate oppelletur. *Sapientia*, inquit ille, *in sicco residet, non in paludibus, & lacunis.* vnde Heraclitus: *Lux sicca anima sapientissima.*

23

Obiiciat aliquis aduersus ea quæ diximus, a præstantibus Medicis improbari, ut quis certam cibi, & potionis sibi præfigat mensuram, præsertim modicam: quia hac ratione stomachus contrahitur, & ita illa quantitate consuecit, ut si contingat eam excedi,

Valetudinis conservanda. § I

excedi, notabile gravamen & læsionem sentiat, dum supra consuetum distenditur.

Quod incommodum, ut evitetur, suadent non servari eundem modum, sed aliquando plus, aliquando minus assumi. Quod videtur etiam ab Hippocrate confirmari aphorismo 5. sect. 1. ubi sic scribit: *Esiam in sanis periculosus est valde tenuis, & constitutus, & exactus victus; quoniam delicta gravius ferunt. ob hoc igitur tenuis & exactus victus periculosus est magis quam paulò plenior.*

Respondeo, Hoc placitum Medicorum 24
locum habere in iis qui eundem temperantiz tenorem præstare nequeunt, propter crebras occasiones conviviatorum & symposiorum, quas ipsi vel nõ possunt, vel nolunt vitare: neque ita domitam habent gulam, ut inter epularum affluentiam, solitam moderationem possint servare, aliis præsertim suo exemplo & sermone ad indulgendum genio excitantibus. Tunc enim si multum se inferciant, sentient aliquid incommodi ob causam allatam. Secus de iis qui sibi ab huiusmodi vel occasionibus, vel excessibus possunt cavere, & eandem vitæ rationem tenere. His enim congruentissima est certa mensura, præsertim si debiles sint, aut senes; ut experientia & ratio ipsa convincit. Nec refert quòd interdum occasione aliqua contingat hanc mensuram excedi: quia unus aut alter excessus parum nocet, modò statim ad solitam sobrietatem redeatur, tantoque minus in sequenti refectioe sumatur,

B 4 vel

vel ea penitus omittatur. Vt si modicè prandere, aut cenare consuetus plusculum sumptis in prandio, abstineto à cœna: si in cœna excessisti, abstine sequenti die prandio. Itaque hoc incommodum non est tanti, ut propter illud vitandum certa mensura, quæ ordinariè seruetur, sit repudianda; cùm excessus aliquis, modò rarus sit, etiam senibus, & debilibus parum noceat.

- 25 Si tamen excessus sit creber, multosque dies duret, graue noxamentum sentient, præsertim debiles & senes, qui antea certæ mensuræ erant addicti. Narrat Auctor noster, cùm ab anno ætatis 36. vsque ad 75. solùm 12. vncias cibi, & 14. potus sumpsisset, optima semper valetudine; se Medicorum hortatu & amicorum importunitate fuisse inductum, ut duas adhuc vncias tum cibi, tum potui adderet. Hunc verò, etsi modicum excessum decimo die grauissimos illi morbos attulisse, dolorem lateris acerrimum, angustias pectoris, & febre 35. dierum, adeo ut à Medicis iudicaretur depositus, nec potuisse curari nisi restituta priori consuetudine. Noui & ego quemdam, qui cùm multis annis solitus esset tantum cœnare, modica dumtaxat re eaque sicca meridie assumpta, hortatu multorum cœpit paulo amplius, eaque humida, meridie comedere. quæ res post decem vel duodecim diestantos stomachi, & intestinorum dolores per aliquot hebdomadas illi attulit ut moriturus videretur: in quos dolores, cùm bis multis medicamentis, magnaque

Valetudinis conservanda. 33

doctissimorum Medicorum industria effectus, bis relapsus est. Cumq. iam tertio per aliquot dies affligeretur, venit illi in mentem mutare consuetudinis, & re diligenter expensa, sibi persuasit hanc esse causam tanti mali, quare statuit illam repetere. Quo facto, mox primo die coeperunt dolores minui, itaque intra quatrimum decurrere, ut nihil amplius præter magnam corporis debilitatem remaneret, quæ tamen & ipsa paulatim sobriæ illius & siccæ diætæ præsidio sublata. Non enim multitudo ciborum & delicie naturam debilem corroborant, sed modica quantitas viribus respondens, & qualitas temperamento conueniens.

Neque Hippocratis aphorismus supra 26 allatus huic nostræ sententiæ aduersatur. quia ille loquitur de victu tenui, id est parui alimenti, eaque mensura quæ viribus & bonæ constitutioni tuendæ non sufficiat. Nos verò quodlibet genus ciborum, quod naturæ sit commodum, admittimus; & eam mensuram, quæ viribus stomachi, & bonæ valetudini sit accommoda.

Dices: Non omnibus integrum est vel 27 commodum exactam diætæ rationem servare; nullanè suppetit ratio quæ tales valetudinem suam tueantur, & vitam in longam senectutem producant? Respondeo, Suppetere hanc unicam, quam multi præstantes Medici præscripserunt. Ea est, ut quotannis bis saltem, nempe in Veræ & Autumno corpus benè purgetur, & humbris no-

*Aliaratio tuè
de va-
letudi-
nis.*

his liberetur. Loquor de iis qui corpus ordinariè non exercent, sed officiis mentis sunt intenti: ut sunt sacerdotes, religiosi, Iurisperiti, studiosi, & similes. Porro ea purgatio fieri debet prævia humorum præparatione, idque præscripto periti Medici: neque debet esse valida, & confertim operari, sed sensim per duos vel tres dies assumpto medicamento. Sic enim & facilè toleratur, & ampliùs prodest. Nam primo die purgatur prima regio, ut Medici loquuntur hoc est intestina: secundo, hepar: tertio, venę in quibus maxima pravorum humorum colluies. Qui enim non sobriè viuunt singulis diebus aliquid crudi humoris addunt, quod ad venas attractum per totum corpus veluti per spongiam distribuitur.

- 28 Itaque intra vnum vel alterum annum tanta sæpè est quantitas pravi humoris in corpore, quantum vas ducentarum vnciarum, seu quatuor poculorum vix capiat. Hi humores tandem temporis tractu putrescunt, & letales morbos infertunt: unde maxima pars hominum ante tempus extinguitur. Quicumque enim ante extremam ætatem pereunt, ferè hac de causa pereunt: exceptis illis qui vi externæ, ut gladio, igne, calculo, bestiarum incursu; vel veneno, ut peste, toxico, &c. pereunt. Plurimi in suis domibus omnibus commodis affluentibus, brevi tempore humorum istorum malignitate extinguuntur, qui in triremibus victi, & nautico pane & aqua pasti, sani & incolumes in longam ætatem vitam propagascent.

sent. Huic periculo occurruntur tempestiuis purgationibus, saltem bis quotannis assumptis. Sic enim neque valdè magna potest esse talium humorum còpia, neque multum possunt putrescere, cum quoque semestri excernantur. Noui multos qui hac ratione ad extremam senectutem peruenere, vix villo notabili morbo pertotam vitam tentati.

Sequitur nunc tertium eorum quæ proposuimus, nimirum vt explicemus, quanta commoda corpori & animo sobria vita conferat.

Primum commodum est, quòd hominem ab omnibus penè morbis liberet & defendat. Aufert enim catarrhos, tussis, asthmata, vertigines, capitis & stomachi dolores: atcet apoplexiam, lethargum, epilepsiam, aliosque cerebri affectus: curat podagram, chiragram, dolores ischiadicos, & articulares morbos. Aufert cruditatem, omnium morborum matrem. Denique ita humores temperat, & in debita proportione conseruat, vt neque quantitate neque qualitate peccent. Vbi verò est congrua humorum symmetria, ibi morbus locum non habet, cum ratio sanitatis in tali proportione consistat. Confirmat id cū experientia, tum ratio. Videmus enim, eos qui sobriam victus rationem sequuntur, rarò vel nūquam morbis tentari; & quando tentantur, faciliùs ferre quàm alios, qui prauis humoribus ex intemperantia gulæ redundant; & breui tempore restitui. Noui plurimos, qui etiam

natura sint debiles, & etate prouecti, & afflicte officijs mentis intenti, tamen beneficio temperantię sani viuunt, & ab omni morbo notabili tota penè uita, longaue etate immunes. Idem declarant exempla sanctorum Patrum, & monachorum, qui in summa uictus parsimonia incolumes & alacres diutissimè uixerunt.

30

Ratio est, quia omnes penè morbi, quibus ordinariè homines laborant, nascuntur ex repletionem; nimirum quòd plus assumatur quàm natura requirat, & stomachus possit perfectè concoquere. Cuius signum est, quòd omnes penè curentur euacuatione. Degrahitur enim sanguis per sectionem venarum uel cucurbitulas, ut natura leuetur: subducitur medicamentis maxima humorum colluies, quæ per uiscera & corpus diffusa; imperatur abstinencia, & tenuissima uictus ratio præscribitur. Hic modus curandi manifestè indicio est, morbum ex repletionem ortum. Contraria enim contrarijs curantur, unde Hippocrates sect. 2. aphor. 22. *Quicumque morbi ex repletionem sunt, eos euacuatio sanat: & quicumque ex euacuationem, repletio.* Rari tamen sunt morbi ex euacuationem, nisi in longa fame tempore obsidionis, uel navigationis, uel alio simili euentu, quo casu detracto prius humore adusto, què calor per inedia procreauit & ueluti adulsit, corpus sensim (aucta paulatim cibi mensura) alendū & corroborandum. Quod etiam post multas euacuationes, quibus in magnis morbis corpus & uires exhaustæ, facien-

faciendum, vt fiat reparatio. Itaque cum omnes pænè morbi nascantur ex eo quòd plus assumatur, quàm natura postulet; consequense est, vt si quis debitam mensuram seruet, ab omni pænè morbo sit immunis. Quod etiam insinuat celebri illo dicto Hippocr. lib. 6. epidem. c. 4. Ἀσυν-
οις ὑγιεινὴ ἀστροφία τροφή, ἀσυνία πένων. Stu-
diū sanitatis est, edere citra saturitatē, & impi-
grum esse ad labores. vbi in parsimonia vi-
ctus, & exercitatione corporis ponit ratio-
nem conseruandæ bonæ valetudinis.

Idem confirmatur ex eo quòd cruditas à Medicis dicatur omnium morborum (qui-
bus homines ordinariè laborant) semina-
rium. Vnde Galenus l. 1. de cibis boni aut
mali succi: Nemo morbo corripitur, qui ac-
curatè cauet ne in cruditates incidat. Et ra-
tione cruditatis dici solet, plures occidi cra-
pula quàm gladio. Et sacra Scriptura Eccle-
siastici 37. Propter crapulam multi obierunt;
qui autem abstiniens est, adiūcet vitam. Et pau-
lò antè: Noli auarus esse in omni epulatione,
& non te effundas super omnem escam; in mul-
tis enim escis erit infirmitas. Atqui sobria
victus ratio prohibet cruditatē, ac proinde
succidit morborum causam. Cruditatem vo-
cant imperfectam ciborum concoctionem.
Cum enim stomachus vel ob nimiam ci-
borum quantitatem, vel ob eorum quali-
tatem contumacem, vel ob varietatē simul
assumptam, vel ex eo quòd desit iustum in-
tervallum ad perfectam ciborum confectionem

31
Crudi-
tas mor-
borum
mater.

nem requisitum, imperfectè concoquit, dicitur chylus, seu succus, quem ex cibis confecit, esse crudus, & habere cruditatem, quæ multa adfert incommoda. Primò, replet cerebrum & viscera multis pituitosis & biliosis excrementis. Secundò, parit in exiguis viscerum meatibus, multas obstructions. Tertiò, vitiat totum corporis temperamentum. Denique, venas implet humore putrido, ex quo gravissimi morbi.

Possent hæc singula fusè ostendi, sed res est satis manifesta, præsertim primum & secundum; solum itaque exponam tertium & quartum. Vbi chylus fuerit crudus, seu malignè à stomacho confectus, & inquinatus potius quàm concoctus (Aristoteles enim *μόλυνσις* id vocat *νόσος ψιν*, iniquationem non concoctionem) ex huiusmodi chylo non potest in hepate sanguinis officina confici probus sanguis, sed solum vitiosus. Secunda enim cōcoctio, ut aiunt Medici, non potest emendare primā. Ex vitioso sanguine non potest fieri proba nutritio, sed necesse est vitiosum existere corporis temperamentum, & morbis obnoxium. Nam tertia cōcoctio (quæ in poris minutissimis toto corpore agitur, ubi sanguis parti cuilibet alendæ assimilatur, & ultimò disponitur ad eius formam suscipiendam) non potest emendare secundam. Hac ratione sensim per cruditatem mutatur & deprauatur totum corporis temperamentum, multisque incommodis subijcitur. Rursus chyli cruditas efficit, ut venæ per totum corpus repleantur san-

sanguine impuro, multisque pravis humoribus permixto, qui tractu temporis sensim putrescunt, & tandem data occasione per laborem, æstum, frigus, ventum, &c. in graves & periculosas febres, quibus innumeri ætate florenti pereunt, accenduntur. Hæc incommoda defendit sobria victus ratio: quia tollit cruditatem, horum omnium causam. Cum enim non plus ingeritur quàm ventriculus probè possit conficere, & ad hoc sufficiens temporis intervallum conceditur, non potest nasci cruditas, sed chylus existet probus, & naturæ conveniens; ex probio chylo probus quoque fiet sanguis; ex bono sanguine bona totius corporis nutritio, & bonum temperamentum. Præterea vitatur hæc modo putredo humorum in venis, vitantur obstructions viscerum, & excrementitiæ superfluitates, quibus & caput, & viscera, & iuncturæ persæpè affliguntur: itaque conservatur bona corporis constitutio & sanitas. Hæc enim in duobus sita est; in humorum debita proportionem & symmetria, *Sanitas in duobus sita* secundum quantitatem quàm secundum qualitatem: & in totius corporis spøgioso quodam habitu, nullis obstructionibus impedito, ut spiritus & sanguis liberum per omnes partes habeant discursum. Neque solum cruditatem humorum, & mala quæ inde sequuntur, impedit sobrietas, sed etiam supervacaneos humores consumit, idque multò securius & efficacius quàm corporis exercitatio, ut crudè ostendit Cl. Doctor Viringus lib. 5. de Ieiunio, cap. 3. 4. & 5. labor enim con-

fer-

sertim corpus agitat, & solum partes quasdam præ ceteris exercet, idq; sæpè cum humorum perturbatione, cum magno æstu, & morborum periculo, præsertim februm, pleuritidis, & variarum in varias partes destillationum, quæ magnos dolores adferunt. Abstinence verò magis intrò ad ipsa viscera, & ad omnes iuncturas ac articulos penetrat, omnia blandè & æquabiliter euacuans: crassa enim extenuat, obstructa aperit, superflua consumit, spirituum vias reſerat, & ipsos spiritus clariores efficit; idque absque humorum perturbatione, absque defluxionibus & doloribus, absq; æstu corporis, ac morborum periculo, absque iactura temporis & dispendio functionum meliorum. Negandum tamen non est quin exercitatio, si modum non excedat, sit valdè utilis, & multis necessaria.

33
Sobria
nita
munis
acuer.
sus cau-
sas ex-
ternas.

Alterum Commodum est, quòd non solum à morbis, qui ex cruditate & interna humorum corruptione nascuntur, nos tuetur; sed etiam aduersus externas causas munit. Nam qui corpus purum, & humores benè temperatos habent; non ita facilè læduntur ab æstu, frigore, labore, & similibus incommodis, sicut alij qui prauis humoribus abundant: & si lædantur, faciliùs & citiùs curantur. Idem accidit in vulneribus, contusionibus, luxationibus, & fracturis ossium: quia nullus vel exiguus sit affluxus humorum ad partem affectam; qui affluxus curationem maximè impedit, & dolores & inflammationes efficit. Declarat id luculento exemplo noster Auctor infra

NU. II.

n. 11. Munit & contra pestem: facilius enim illi veneno resistitur si corpus sit purum. Vnde Socrates sua frugalitate & temperantia effecit, ut quamvis Athenas sepe numero pestis vastaret, ipse tamen numquam egrotaret, ut scribit Laert. lib. 2. de vitis Philos.

Tertium Commodum vitæ sobriæ est, quod etsi non curet morbos incurabiles, tamen eos ita mitigat, ut faciliè tolerantur, nec magnopere fuctiones animi impendant. Constat hoc quotidiana experientia. Multis enim cum ulcere pulmonis, cum scirrhus hepatis vel lienis, cum calculo in renibus aut vesica, cum inueterata impetigine, cum antiqua & inolita intemperie viscerum, cum enterocoele, hydrocele, alijsque herniæ generibus, solius diætæ præsidio diu vitam producunt, semper alacres, & ad ingenij labores expediti. Sicut enim ista mala per ingluviem valdè exacerbantur, ita ut naturâ graviter affligant, breviq; tempore præcipient: ita per sobriam victus rationem mitigatè mitescunt, adeò ut parum incommodi plerumque ex illis sentiat, nec multum de ordinario vitæ studio accidant.

Quartum Commodum est, quod luis cultoribus non solum sanitatem, sed etiam longævitatē conferat, eosque ad extremam senectutem perducit; adeò ut cum ex hac vita decedendum, nullos ferè vel exiguos dolores sentiant: quia moriuntur per mentis resolutionem. Vtrumque experientia & ratione notum est. Nam quod ad longevitatem attinet, constat, sanctos viros in cre-

mo & monasterijs fuisse admodum longæ-
 nos, etiamſi aſperrimam vitam omnibus
 pæne corporis commodis deſtitutam duce-
 rent. quod potiffimùm illorum ſobrietati
 acceptum ferendum. Sic S. Paulus primus
 Eremita ætatem ad annos ferè 115. produ-
 xit: ex quibus circiter 100. egit in eremo;
 quadraginta quidem primos paucis daſty-
 lis & hauſtu aquæ; reliquos, cùm daſtili de-
 feciſſent, pane dimidio, quem coruus ei
 quotidie ſubminiſtrabat: vt ſcribit Hierony-
 mus in eius vita. S. Antonius ad annos 105.
 ex quibus 90. egit in eremo ſolo pane &
 aqua (quibus aliquid oleris in extrema
 ſenectute addebat) corpus ſuſtentans, teſte
 Athanaſio. S. Paphnutius exceſſit annos 90.
 ſolo pane veſcens: vt colligitur ex Caſſiano
 collat. 3. cap. 1. S. Hilarion erſi naturæ eſſet
 teneræ, & ſemper rebus diuinis intentus
 vixit annos circiter 84. ex quibus ferè 70.
 tranſegit in eremo, mira abſtinentia, & cul-
 tus victusque aſperitate: vt refert Hierony-
 mus. Iacobus Eremita Perſa genere, partim
 in eremo, partim in monaſterio tranſegit
 annos 104. victu tenuiſſimo: vt refert Theo-
 doretus hiſtoria religioſa in Iuliano. Et ipſe
 Iulianus, cognomento Saba, id eſt, ſenex,
 ſemel in hebdomade reficiebatur, pane
 herdoeaceo, ſale & aqua contentus: vt ibi-
 dem Theodoretus. S. Macarius, cuius Ho-
 miliz extant, exceſſit annū nonageſimum,
 ex quibus in eremo, aſſiduo ieiunio peregit
 ſexaginta. Arſenius præceptor Arcadij Im-
 peratoris annos vixit 120. in ſæculo 65. reli-
 quos

quos 55. transegit in deserto abstinentia admirabili. Simeō Stylites vixit annos 109. ex quibus 81. in columna; 10. in monasterio: verū huius abstinentia & labores naturam humanam superare videntur. S. Romualdus, Italus, annos vixit 120. ex quibus 100. solidos egit in religione summa abstinentia, & cultu asperissimo. Vdalricus Episcopus Patauensis, vir miræ abstinentiæ, vixit annos 105. teste Paulo Bernriedensi in vita Gregorij VII. quem ante annos aliquot in lucē produxit noster Gretzerus. S. Franciscus de Paula abstinentia admirabili (pane enim & aqua semel in die post solis occasum reficiebatur, vix aliquid obsonij, quo vesci in Quadragesima licet adhibens) superavit annum 90. S. Martinus 86. S. Epiphanius ferè 115. S. Hieronymus circiter 80. S. Augustinus 76. S. Remigius exegit annos 74. in episcopatu. Venerabilis Beda ab anno 7. ætatis vsque ad 92. vixit in religione. Nimis longum esset omnes recēserē, qui ex historijs & vitis Sanctorum adduci possent. Omitto plurimos nostræ ætatis, qui sobria victus ratione vitam incolumem ad annos 80. 90. 95. &c. extenderunt. Sunt enim etiam feminarum monasteria, in quibus victu tenuissimo vivitur ad annos 80. vel 90. adeò vt sexagenariæ & septuagenariæ vix inter seniores numerētur. Neque dici potest, hos non vinaturæ, sed supernaturali Dei munere tantam ætatem vixisse. Non enim paucorum fuit ista longævitæ, sed plurimorum, & ferè omnium

nium qui exactam illam sobrietatem sunt sectati, & externo aliquo casu non sunt perempti. Vnde S. Ioannes Euangelista, qui solus inter Apostolos violenta morte ante naturæ terminum non est abreptus, vixit annos 68. post Domini Ascensionem. Itaque credibile est eum ad centesimum pertigisse. Et S. Simeon annos 120. habebat, cum martyrio afficeretur. S. Dionysius Areopagita centesimum superabat annum: S. Iacobus minor 96. ieiunijs & orationibus assidue vacans, carne & vino semper abstinens.

Deinde non solis Sanctis id concessum, sed etiam alijs. Nam apud Indos diutissime viuunt Brachmanes ob victus frugalitatem: apud Turcas religiosi Mahometicæ superstitionis, qui abstinentiæ, & austeritati plurimum dediti. Scribit Iosephus lib. 2. de bello Iudaico cap. 7. *Essenos longissimæ esse viæ, ita ut plurimi eorū vsque centenariam perueniant ætatem, propter simplicitatem victus, & vitam benè ordinatam: solum enim panem & vnum pulmentum singulis apponi.* Democritus & Hippocrates vitam produxere ad annos 105. Plato superauit 80.

Denique quando Scriptura Eccli. 37. ait: *Qui abstinens est, adiiciet vitam*, generatim loquitur de omnibus, qui abstinentiam seruant, non de solis Sanctis. Fateor tamen, impios, & maximè homicidas ac blasphemos, plerumque non diù viuere (etiamsi in victu temperati sint) diuina ultione eos persequente. Hi tamen non morbo ex humorum corruptione, sed vi extrinsecus illata percutunt.

Simi-

Cur ho-
micidæ
& bla-
sphemi
non sint
longevi.

Similiter qui impensè libidini sunt addicti, non possunt vitæ esse diuturnæ: quia nihil æquè spiritus & optimū naturæ succum exhaurit; nihil naturā sic debilitat & frangit. *libidino*
se.

Dices, multos ad extremam senectam peruenire, qui non seruant illam sobriam diætā, sed gulæ laxant habenas prout occasio se offert, quotidie pænè ad satietatem cibo potuque se farcientes. Respondeo, huiusmodi esse raros, & rari roboris ac temperamenti. Nam pleriq. qui voraces sunt, ante tempus extinguuntur. Quòd si robusti illi & ἀνθυμοι cōgruam moderationem adhiberent, multò diutius & salubrius viuerent, & longè plura ingenio suo & doctrina efficerent. Necesse enim est, eos qui non frugaliter viuunt, multis prauis humoribus impleri, & sæpè morbis tentari; nec posse sine detrimento valetudinis arduis mentis functionibus diu intendere: tum quia in illis tota vis naturæ & spirituum concoctioni & digestionī ciborum mancipata est, à qua si uio lentè per speculationem abstrahatur, necessario maligna erit concoctio, & multæ nascuntur cruditates: tum quia caput impletur uaporibus, qui mentem obnubilant, & dolorem, si acrius ingenio cōtendas, adferunt. Denique opus illis est crebra corporis exercitatione, uel medicamentis quibus corpus uacuetur: itaque etiam si diu uideātur uiuere corpore; tamen animo & ingenio parum uiuunt, cū exiguo tempore ad functiones animi sint idonei, & maior pars temporis debeat impendio obsequio corporis. Quod
quid

quid aliud. est, quàm animum suę carnis, hoc est sui mancipij, facere mancipium? Talis vita non decet hominem, præsertim Christianum, cuius omne bonum spiritale est, & functionibus mētis ac corporis, sensuum-que mortificatione comparatur.

- 39 His adde, eos qui debiliore sunt naturæ, si temperatè vivant, multò esse securiores de sua valetudine & vitæ productione, quàm sint robustissimi quique inordinatè viuentes. Illi enim sciunt se non habere noxios succos in corpore, vel non ea copia ut morbum possint creare: illi verò necessariò plurimis huiusmodi succis aliquot annorum tractu replentur; qui sensim magis ac magis putrescentes, leui occasione in morbum gravem, & sæpè letalem euadunt. Testatur Aristoteles in problematibus, fuisse suo tempore quemdam Philosophum. Herodicum nomine, qui etsi omnium iudicio debilissimæ esset naturæ, & tabe laboraret, tamē arte *τῆς διαίτητης* (q̄ viçius rationem præscribit) ad centesimum annum pervenerit. meminit eiusdem Plato lib. 3. de Repub. Galenus lib. de marasmo, & lib. de tuenda sanitate refert, extitisse suo tempore quemdam Philosophum, qui librum ediderat, quo docebat qua ratione posset quis penitus expers sentiri cõservari. Meritò quidem id tamquam vanum reprehendit Galenus; tamen artem non fuisse omnino vanam, & valuisse ad vitam producendam, ipse Philosophus suo exemplo ostendit. Cum enim ad octogesimum annum pervenisset, &
- ad cò

adedò esset exhaustus, vt nihil ei præter ossa & cutem restare videretur, arte tamen & moderatone victus singulari effecit, vt non nisi lentissima tabe confectus tandem occumberet. Idem Galenus lib. 5. de tuenda sanitate ait: *Arte illa quæ dietam præscribit, eos qui ab ipso ortu imbecillum corpus non sunt sortiti, sensibus illæsis, & ab omni morbo & dolore alienos, ad summam senectutem peruenire.* Deinde addit de seipso. *Ego vero tamen si nec salubrem corporis statum ab ipso ortu sim nactus, nec vitam planè liberam egerim, hæc tamen ipsa arte vsus, post 28. ætatis annum, ne minimo quidem laboraui morbo, nisi fortè diaria febris ob lassitudinem aliquando contraxi.*

Neque solùm ad extremam senectutem morborum & dolorum expertes perueniunt sobrie artis cultores, sed etiam in ipsa morte doloribus non affliguntur: quia non vi illata naturæ, sed simplici resolutione, humidique radicalis consumptione vinculum animæ & corporis dissoluitur: sicut lampas sponte sua absque strepitu extinguitur oleo consumpto. Sicut enim lampas ardens tribus modis potest extinguì, 1. vi extrinsecus illata, vt cùm flatu vehementi extinguitur; 2. affusa multa aqua, qua olei bonus liquor opprimitur vel corrumpitur; 3. solius olei consumptione: ita etiam vita humana (quæ instar lampadis ardentis) tribus modis extingui solet. 1. vi externa, v. g. gladio, igne suffocatione; 2. humorum noxiorum abundantia, vel qualitate maligna, qua humidum

dum radicale opprimitur, vel destituitur;
 3. cum ipsum humidum à calore naturali
 longo temporis tractu absumitur, & in au-
 ras diffilatur, quod eo fit modo quo aqua ca-
 lida vel oleum calidum consumitur à calo-
 re sibi ab igne impresso. In primo & secun-
 do modo magna fit naturæ turbatio, ac pro-
 inde necesse est magnos sentiri dolores, si ea
 res durent: quia temperamentum vi contra-
 ria evertitur, & vinculum naturæ violentè
 dissolvitur. At in tertio nullus vel exiguus
 est dolor, quia ab intrinseco temperamen-
 tum sensim dissolvitur, & humidum primi-
 genium (in quo maximè vna consistebat)
 una cum calore innato consumitur. Dum
 enim humidum illud minuitur, simul minui-
 tur calor illi insertus; & consumpto humi-
 do, simul extinguitur calor: sicut in lucernis
 accidit. Hoc modo moriuntur plerique, qui
 exactam diætæ regulam servauunt, nisi for-
 tè vi extrinsecus illata pereant. Cum enim
 per diætam noxios humores euitent, nihil
 in se habent quod temperamentum violè-
 possit destruere, aut calorem naturalem op-
 primere: ac proinde necesse est vt viuunt,
 donec humidum primigenium una cum ca-
 lore insito sit ita consumptum, vt non suffi-
 ciat ad animam in corpore vterius retinen-
 dam. Simili modo moreretur homo, si calor
 naturalis (etiam humido saluo) desineret à
 à Deo conseruari: vel si ipsum humidum di-
 uina virtute subito consumeretur.

41 Quintum Commodum sobriæ diætæ
 est; quod corpus reddat leue, agile, vege-
 tum,

tum, & ad omnes suos motus expeditum. *Corpus*
 Grauiamen enim, naturę oppressio, & tardi- *reddi-*
 tas prouenit ex humorum redundantia, qui *agile.*
 vias spirituum obstruunt, & iuncturas obfi-
 dent, nimirum quę humectant. Itaque subla-
 ta humorum copia per diętam, tollitur cau-
 sa illius grauiaminis, & tarditatis, & laxatur
 vię spirituum. Deinde per eandem diętam
 fit, vt concoctio sit bona, & probus conficiat-
 ur sanguis, ex quo deinde puri, & copiosi
 suppeditantur spiritus, à quibus omnis vi-
 gor, & agilitas.

Attulimus commoda quinque, quę so- 42
 brietas adfert corpori. Videamus nunc quę *Cōmo-*
 præstet animo. Ea similiter ad quinque re- *da ani-*
 uocari possunt. *mi ex*

Primum fit, quod incolumitatem, & vi- *sobrie-*
 gorem præstet sensibus externis. Sensus enim *tate.*
 videndi in senibus potissimum hebetatur, *Vigorē*
 eò quod nervi optici humoribus superfluis, *præ-*
 aut vaporibus obsideantur. quo fit vt spiri- *stat sen-*
 tus animalis qui visioni deseruit, vel obscu- *sibus.*
 retur, vel non possit ea copia subministra-
 ri, quę ad acute cernendum est necessaria.
 Hoc impedimentum tollitur, vel multum
 minuitur sobrietate victus, & potus, & absti-
 nentia ab ijs rebus, quę caput fumis im-
 plent; qualia sunt pingua omnia, & maxi-
 mē butyrum copiosè assumptum, vina po-
 tentia, cereuisia crassa, vel herbis caput ten-
 tantibus medicata.

Sensus audiendi impeditur humoris su- 43
 peruacanei, & crudi ex cerebro defluxu in
 organum auditus, vel in neruum qui ei de-
 seruit.

seruit. hac enim ratione fit, ut homo ex ea parte, in quam defluxio incūbit, sit surdus, vel grauitè audiat. Talis defluxio facilè arceatur & præuenitur sobrietate victus. Et postquam accidit, sicut medicamentis potest tolli (nisi fortè sit inueterata; & sedem fixerit) ita etiam per diætā; præsertim si topica quædam simul adhibeantur.

- 44 Sensus gustandi potissimū vitiatur prauis humoribus organum ipsius imbuentibus; ut si biliosi humores, vel acidi, vel salii linguam faucesque occupent (siue isti veniant ex capite, siue ex stomacho, cuius interior tunica cum illis organis cōtinuatur) omnia videbuntur amara, acida, vel salia. Hoc vitium tollitur congruenti diætā, quæ etiam fit, ut communes cibi & panis siccus meliùs sapiant homini moderato, & plus ei voluptatis afferant, quàm gulæ dedito pretiosi & exquisitè conditi. Sublatis enim vitiosis succis, qui stomachum & organum gustus inficiebant, & *avopsgian* vel fastidium inducebant, redit appetitus, & sincerus ciborum sensus, ac naturalis voluptas. Simili modo conseruat sensum odorandi, & tangendi.

- 45 Fateor tamen, longa tandem senectute vigorem sensuum, præsertim oculorum, & aurium, multū hebetari, ac ferè extingui, quia temperamentum organorum, uti & reliquarum partium, paulatim dissoluitur, consumpto sensim humore radicali, & calore innato: quo fit ut, & temperamentum euadat siccius quàm conueniat sensuum ope;

operationi, & omnes meatus ac pori pituita frigida repleantur, quæ omnibus animæ functionibus maximè aduersatur. Sicut enim senes interno corporis temperamento sunt siccissimi & frigidissimi: ita excrementicijs succis humidissimi, adeò vt senium nihil sit aliud quàm frigus & siccitas temperamenti, ex cõsumptione humidi radicalis, & caloris innati proueniens, quibus necessario pituitæ frigidæ copia toto corpore est coniuncta.

Alterum Commodum, quod diata sobria confert animæ, est, quòd ualdè minuat ac mitiget effectus seu passionēs præsertim iræ & melancholię, tollens in his excessum & inordinatum imperum. Idem facit circa affectum delectabilium gustus & tactus: uerum etiã ob hunc effectum ista ratio uitę sit magni estimanda. Turpe enim est esse irę impotentem, esse subiectum melancholię, & tristissimis phantasię curis: esse emancipium gulę & uentris, cęcoq. imperu in esculenta & uenerèa effundi. Neque solum turpe, & uirtuti aduersum, sed etiã ualitudini noxium, & apud honestos probroũ. Hisce malis sobrietas facili negotio medetur, partim subtractis, partim correctis humoribus, qui illorum causa. Quòd enim humores sint causa talium passionum, apud Medicos, & Philosophos est notissimum, & constat experientia.

Videmus enim, eos qui biliosis humoribus abundant, esse iracundos & præcipientes: qui melancholicis, cõtino mœrore ac me-

46

Mitigat
passiones.

47

ru confici: si humores isti in cerebro inflammantur, phrenitidem, & maniam procreant; si acidus humor stomachi tunicis sit impactus, assiduam famem & uoracitatem: si feruidi sanguinis in corpore sit copia, incitare ad libidinem, præsertim si materia aliqua flatulenta sit coniuncta. Ratio est, quia affectus animi sequuntur apprehensionem phantasie, ut ex philosophia notum est: phantasie autem apprehensio est conformis dispositioni corporis, & humoribus qui in corpore dominantur. Hinc biliosi somniant ignes incendia, bella, cædes; melancholici, tenebras, funera, sepulchra, spectra, fugas, fœneas, & tristitia omnia; pituitosi pluuias, lacus, flumina, inundationes, submersiones, naufragia: sanguinei, volatus, cursus, conuiuia, cantus, amores. Somnia verò nihil aliud sunt quàm phantasie apprehensiones ceteris sensibus sopitis. Vnde sicut in somnis, ita etiam in vigilia phantasia pleraque apprehendit consentaneè humori, & qualitati prævalenti, præsertim primo obiecti ap-
 pulsu, priusquam à ratione corrigatur & dirigatur. Itaque excessus istorum humorum peruertit naturalem phantasie statum, & apprehensionem. Bilis enim, quia amarissima, & nature maximè aduersa, facit ut phantasia dictum factumve alterius, vel quidlibet aliud quod displicet, apprehendat ut sibi aduersum, inimicum, iniuriosum; & quia humor ardens est, & impetuusus, facit ut apprehensio sit velox & vehemens, incitetque ad celerem mali repulsionem, & vindictam.

Humor

Humor melancholicus est grauis, frigidus, ficans, torpidus, acidus, atro colore, & cordi valdè infestus. Itaque facit vt phantasia apprehendat omnia tamquam infecta, inimica, tristitia, tenebrosa. Ratione autem frigoris, & grauitatis fit vt non incitet ad mali repulsionem, sicut bilis quæ leuis est; sed inijcit metum, fugam, cunctationem. Pituita frigida est & humida: vnde fit vt apprehensio ad omnia sit tarda, languida, absque vigore, acrimonia, alacritate. Itaque bilis facit vt homo sit iracundus, præceps, velox, audax, vehemens, rixosus, morosus: ad quidlibet indignetur, iuret, maledicat, clamet, vociferetur. Hinc tot iniuriæ, pugnæ, vulnera, cædes in genere humano. Nam etiam ea quæ in ebrietate patrantur, ex furore bilis plerumque proueniunt, vino bilem augente, & accedente. Melancholia facit tristes, pusillanimes, meticulosos solitarios, cogitabundos, desperabundos. Et sicut bilis ad breue tempus, dum feruet, rectum mentis iudicium peruertit: ita melancholia ferè assidue, maximè ea quæ cerebrum occupat, vel tetros vapores sursum ad cor, & caput ex hypochondrijs emittit. Pituita efficit lentos, languidos, somniculosos, meticulosos, obliuiosos; denique ad omnia præclara inutilis. Et si enim humor iste non ita sit corpori infestus, sicut bilis, & melancholia; est tamen maximè aduersus functionibus animæ: quia frigore suo vigorem spirituum hebetat, & humiditate cerebrum, & meatus spirituum nimium humectat.

C 3 Om-

Omniſus hiſce malis magna ex parte medicina facit ſobria diæta. Hac enim adhibita, ſenſim minuuntur pravi humores, natura eos conſumente vel expellente, adhibitis præſertim quibuſdam adminiculis à medicamentis purgantibus. Deinde corrigitur corporis intemperies, dum purus & temperatus ſanguis ſubminiſtratur, qui nullis cruditatibus ſit permixtus, nullis humoribus ſuperfluis vitiatus, nulla qualitate noxia excedens. Hinc eos, qui ſobrietate conſueverunt, videmus placidos, affabiles, benignos, lætos, tractabiles, & in omnibus moderatos. Benignus enim ſuccus naturæ, affectus, & mores facit benignos: & malignus ſuccus (qualis eſt bilis & melancholia, ſi quantitate vel qualitate excedat) facit affectus, & mores malignos, & efferatos. Vbi id quoque dignum conſideratione, prauos humores non ſolùm excitare paſſiones, iſq. dare initium, ſed viciffim per quandam ſympathiam ab ipſis paſſionibus accendi & roborari, & accenſos roboratosq. efficiere vt ipſa quoque paſſio augeatur, & cõfirmetur. Patet hoc in humore bilioſo, qui cùm abundat, mediante apprehenſione phantaſiæ quam vitiauit, excitat paſſionem iræ: iræ commotio per quandam ſympathiam accendit ſpiritus, & humorem bilioſum; humor bilioſus iam accenſus efficit vt phantaſia fortiùs, & vehementiùs rem apprehendat, & maior videatur iniuria quàm antea: & ſic ipſa quoque iræ commotio augetur, & roboratur. Hinc ſit vt interdum ex ira

tran-

tranſeatur in furorem, ſi phantaſia multo tempore in imaginatione iniuriæ perſiſtat. vnde ſaluberrimum conſilium eſt, cogitationē ab iniurijs acceptis auertere: quia earum conſideratio non ſolū animo, ſed etiam corpori eſt noxia. Simili modo humor melancholicus, mediante phantaſia, excitat mœrorem, nulla alia cauſa mœroris ſuppeditante: mœror per quamdam ſympathiam concludit cor, & impedit liberam eius diaſtolem: quo fit vt humor melancholicus aduratur, fiatq. malignior, eò quod terre fuligines non poſſint diſſipari: factus malignior, auget mœroris affectum, & ſæpè adigit ad deſperationem, funeſtaq. conſilia.

Tertium Commodum animæ ex dicta 49
ſobria proueniens, eſt incolumitas memo- *Memo*
riæ. Hæc enim maximè lædi ſolet ab humo- *ria con*
re frigido cerebrum occupante, qui potiffi- *ſeruat.*
mū intemperantibus, & ſenibus eſt infeſtus. Hic enim humor, & vias ſpirituum anguſtiores obſtruit, & ſpiritus ipſos refrigerat, & torpidos reddit: quo fit vt apprehenſiones ſint lentæ, languidæ, & fluxæ, & ſæpè in media narratione hominem ita deficiant, vt neſciat quid dixerit, aut qua de re locutus fuerit; rogetq. ſocios, Quid traſtabamus? Poſeſt autem id fieri tripliciter. Primò, ex eo quòd ſpiritus animalis, quo phantaſia in recordādo, & in omni actu ſuo vtitur, ab humore pituitoſo in tranſcurſu raptim intercipiatur: quo intercepto ceſſat rei apprehenſio, & conſequenter omnis recordatio. Secundò, ex eo quòd apprehenſio

fuit languida, & absque reflexione, idque ob spirituum inopiam vel ineptitudinem: apprehensio autem rei facta absq. reflexione, non potest relinque sui vestigium, quod ad recordationem sit sufficiens. Omnis enim recordatio immediatè versatur circa actus nostros, & solùm mediatè circa actuum illorum objecta. Non enim recordor propriè Petrum esse mortuum, sed me vidisse, vel audivisse, vel legisse, &c. esse mortuum. Itaque ubi nulla est reflexio super actus nostros, nullū potest relinqui vestigium ad memoriam sufficiens. Tertiò, ex sola spirituum ineptitudine. quia etsi vestigium sit aliquo modo sufficiens ex parte sua, tamen sæpissime fit, ut inopia, vel impuritate, vel torpore, vel nimio fervore spirituum non possimus eo vestigio congruenter ad recordationem uti. Hac ratione interdum accidit, ut quis omnem penè memoriam perdat, & omnium disciplinarum obliuiscatur; ut cum pituitæ frigidæ copia meatus angustiores cerebri obstruit, & spiritus torpidos reddit, totamq. cerebri substantiam nimium humectat, & refrigerat.

50

Totum hoc malum mirificè vel arcetur, vel curatur sobria, & congruenti victus ratione: nimirum abstinendo à potu calido, & fumoso, nisi fortè exigua sit quantitas. Etsi enim vinum sit calidum, tamen cerebrò, & magna copia haustrum, frigidos morbos parit: nimirum destillationes, tusses, coryzas, apoplexiam, paralysem. Ratio est, quia caput vaporibus implet, qui ibidem refrigerantur.

rati, in frigidam pituitam, quæ illorum maiorum causa est, densantur. Neque tantum à potu calido, & fumoso, sed etiam à copia omnis humidi abstinendum, & quantum fieri potest, sicca diætâ vtendum. Hac enim fit vt superflua humiditas vel non gignatur, vel genita consumatur; & consequenter vt obstructions, quæ ab ea proueniebant, tollantur, & viæ spirituum laxentur, & ipsi spiritus extenuentur, debitumque statum consequantur, & cerebro narium redeat temperamentum, fiatque vnâ cum spiritu idoneum, vt phantasiz, & memoriz deferuiat.

Quartum Commodum est vigor ingenij ^{SI} *Vigorē ingenij tuetur,* in excogitando, ratiocinando, inueniendo, iudicando; & aptitudo ad diuinas illustrationes suscipiendas. Hinc fit vt homines abstinentię dediti sint vigilantes, circumspecti, prouidi, boni consilij, recti iudicii. Si de disciplinis agatur, facile excellunt in ijs, quibus animum applicuerint. Si de oratione, meditatione, contemplatione; magna facilitate, voluptate, & gustu spiritali ea obeunt. Ostendunt id suo exemplo antiqui Patres, & Eremitæ, qui cum essent abstinentissimi, semper mente vigeant, & totas noctes in oratione, rerumque diuinarum commentatione traducebant; tanto animi solatio, vt in paradiso versari sibi viderentur, & temporis fluxum non perciperent. Hac ratione ad summam sanctitatem, & familiaritatem Dei peruenierunt, & dono prophetiæ ac miraculorum ornati sunt, & toti mundo

admirabiles extitere. Cùm enim perpetuò mentem sursum erectam, Deoque intentam tenerent, digni habiti fuere, ad quos Deus vicissim se inclinaret, eos eximie illustrando, (iuxta illud Psal. 33. *Accedite ad eum, & illuminamini*) suorumque secretorum faciendo participes, & operum mirabilium admissitros: nimirum ut mundus hinc intelligeret, quantopere vita illorum Deo placeret & ad eorum imitationem ac venerationem excitarentur.

52. Sunt etiam hoc tempore plurimi, qui eadem abstinentiæ via ad sapientiæ, & virtutum Christianarum culmen nituntur: è quibus aliqui scriptorum suorum multitudine & eximia eruditione omnibus sunt admirationi. Nemo absque sobrietatis præsidio simile quid præstare poterit: quòd si obstinate conetur, se ipse ante tempus conficiet. nemo sine huius virtutis ope passiones suas frangere, animi tranquillitatem obtinere, mentis functiones circa res diuinas facili modo, & cum voluptate obire, ad insignem sanctitatis gradum pertingere. Horum omnium veluti basis, & fundamentum est sobrietas, ut docet Cassianus lib. 5. quæ est de *Gastrimargia*, cap. 14. & 17. Vnde Sancti omnes, qui celsam perfectionis Evangelicæ turrim ædificare voluerunt, ab hac, tamquam fundamento totius ædificij spiritualis, inceperunt.

53. Nec obstat, quòd fides ceterarum omnium virtutum, & consequenter totius stru-
cturæ spiritualis, dicatur fundamentum: quia
fides

fides est quidem intrinsecum & primum
fundamentum, cui directe ceterę virtutes
innituntur; sed abſtinentia est fundamen-
tum extrinsecum, secundarium, & ſubſer-
uiens: quatenus nimirum remouet ea quę
vſum fidei, & functionem potentię intelle-
ctiuę vel impediunt, vel difficilem, inamœ-
nam, & laborioſam reddunt; & ſimul ea ſup-
peditat adminicula, quibus functiones il-
lius potentię reddantur illuſtres, faciles, &
delectabiles. Omnis. n. proſectus ſpiritualis
pendet ex vſu intellectus, & fidei quę in in-
tellectu reſidet. Non enim poſſumus ama-
re aliquod bonum, aut in eius amore proſi-
cere; nec odiſſe malum, aut in eius odio cre-
ſcere, niſi illud ab intellectu ad mouendum
affectum nobis proponatur. Vnde qui ita
diuino munere comparatus eſt, vt cęleſtia
& diuina ſemper eius menti obuerſentur,
(ſicut accidit Apoſtoliſ, & multis Apoſtoli-
cis viris) iſt facili negotio terrena omnia con-
temnet, & ad ſublimem ſanctitatis, & meri-
torum gradum conſcendet; ac proinde in
cęlo illuſtrem glorię coronam obtinebit.
Voluntas enim facile ſe conformat iudicio
intellectus, quando res ei non raptim, ſed
continne, & acriter ab intellectu proponi-
tur. Ex quibus patet, ea quę mentis functio-
nes impediunt, obſcurant, vel difficiles, & la-
borioſas reddunt, plerumque in cauſa eſſe,
cur neque in diſciplinis, neque in pietatis
officijs, neq. in ſanctitate vitę, ad inſignem
perfectionis gradum perueniatur: quę ve-
rò functiones intellectus reddunt faciles, ex-

peditos, illustres, delectabiles, præstare hominem idoneum, qui facili negotio, & cum voluptate rebus spiritualibus intendat, & ad excellentem sapientiæ sanctitatisq. mensuram pertingat.

54. Itaque cum sobrietas hanc vim habeat, ut collat ea quæ mentis considerationem vel impediunt, vel difficilem, & inamœnam reddunt; & suppeditet ea quæ facilem, & iucundam efficiunt, meritò fundamentum secundarium sapientiæ, & profectus spiritualis dicenda est. Quia autem ratione id faciat, patet ex dictis supra. Quæ enim speculationem impediunt ac difficilem reddunt, sunt ista: nimia cerebri humiditas, vaporum, & fuliginum abundantia, meatuum cerebri obstructio, nimia sanguinis copia, spirituum feruor à sanguine vel bile proveniens, vapores biliosi vel melancholici adustæ caput petentes, humor biliosus vel melancholicus cerebrum occupans. Hæc omnia impedimenta si nondum adsint, ea præcauentur sobria diætæ, ut non irreparent: si autem adsint, sensim vincuntur, & emendantur, adhibita simul, si necesse sit, quorundam pharmacorum ope, maximè initio; nisi fortè malum sit inueteratum, & incurabile: ut interdum in melancholia, & pituita cerebrum per protopathiam occupante, per quam amentia stabilis inducitur, accidit. Neque solum tollit impedimenta speculationis, sed etiam suggerit adminicula speculandi, nimirum probum sanguinem, & consequenter puros, & benè temperatos
 spiri-

Valetudinis conservanda. 61

spiritus, & congruum cerebro temperamentum. Nam & ipsum temperamentum cerebri, quod per intemperantiam factum est nimis vel humidum, vel frigidum, vel siccum, vel calidum, per dietam sensim emendatur, & ad mediocritatem reducitur.

Fruſtus hic ſobrietatis maximi eſtimandus eſt. Quid enim optabilius homini Chriſtiano, & præſertim religioſo, quàm in longa ſenectute uti mente ſana, alacri, expedita, & vegeta ad omnes ſuas functiones? Nam præterquam quòd hoc per ſe valdè incundum ſit, maximum nobis bonum ſpiritale, ſi velimus, adducit. Tunc enim poſt longam experientiam præcedentis ætatis, mundi vanitas clariùs cognoscitur, & animo vileſcit: tunc cœleſti a nobis magis ſapere, & terrena contemni incipiunt: tunc futura quæ independent aſſidue verſantur ob oculos, ut dignè ad ea nos comparemus: tunc omnis ea notitia & experientia, quam ab ineunte ætate uſq; ad illud tempus comparavimus, nobis eſt adminiculo, cuiusque ſuaues fruſtus carpimus. Tunc ſedatis animi affectibus & turbellis, cum magna voluptate & facilitate incumbere poſſumus orationi, meditationi rerum divinarum, lectioni ſacrę Scripturę, & ſanctorum Patrum; & aſſiduè aliquid pii animo voluere, aliquam divini eloquii ſententiam (more ſanctorum Patrum) ruminare; preces canonicas inſigni attentione perſolvere, ſacrificium Miſſę magna reverentia & devotione offerre. Mirum dictu eſt, quanta in omnibus iſtis mentis officiis ſo-

55
*Quæſti
hic fru
ctus ſo
momen
ti.*

brię

bræ senectuti sit facilitas, quanta voluptas, quanta animi consolatio, & consequenter, quantum meriti & præmij possint hinc sibi comparare.

56 Hæc potissimum causa me impulit ad hunc tractatum scribendum, nimirum ut hominibus pijs, & præsertim religiosis, tantum bonum commendarem, quò & ipsi diu sani vivere, & Deo cum magna facilitate & gaudio servire, & animum suum diuinis inspirationibus & illustrationibus suscipiendis aptare, & maximos bonorum operum thesauros sibi congregare possint. Parui quidem facienda, parumque utilis est longa vita, si sæculo potius quam Deo seruit, si auaritiæ vel ambitioni, vel voluptati dedita: verum si Deo tota est mancipata, virtutisque officijs addicta, maximi est pendenda, & utilissima. Itaq. etsi sobrietas eam vim habeat ut omnibus, nõ solum qui pietati, sed etiam sæculo dediti, corpus sanum & mentem vegetam præstet; tamen illis potissimum est sectanda, qui pietatem colunt, & Deo quam maximè placere student: quia his maximam voluptatem etiam in hac vita, & postea copiosissimum in æternitate fructum adfert.

57 Quintum Commodum est, quòd libidinis imperum extinguat, & tentationes carnis mirificè sedet, & magnam carni ac spiritui tranquillitatem conciliet. Rectè dixit quidam: *Sine Cerere & Baccho friget Venus*. Hoc remedio aduersus istud malum vsi sunt omnes quotquot sanctitate illustres fuisse. Et satè, post gratiam diuinam nullum est efficacius:

*Scimus.
los car-
nis mi-
tigat.*

cacius: quia sobrietates & materiam, & causam impulsuam, & causam excitantē subtrahit. *Materiam* voco copiam spermatis & *causam impulsuam*, copiam spiritus animalis, quo sperma expellitur: *causam excitantem*, imaginationem rerum venerearum. Hæc imaginatio excitat primū concupiscentiæ passionem: hæc statim commouet spiritus ad expulsionem; hi commoti virgēt, & nisi voluntas cohibeat, perficiunt. Vincere hunc impetum, præcipuū certamen hominis Christiani, præsertim florenti ætate, & natura adhuc robusta.

Sobrietas materiam & causam impellentem subtrahit: quia si adsit copia spermatis, facit vt sensim minuatur tum quantitate, tum calore. Similiter minuit copiam & feruorem spirituum, abstinendo à calidis & flatulentis cibis; à vini & cereuisiæ potentis vsu, saltem quamdiu opus est, vt ad mediocritatem deueniatur. Immituto autem & temperato spermate ac spiritibus, sponte cessant libidinosæ imaginationes; vel si occurrant, facile excutiuntur (nisi fortè Dei permisso à diabolo suggerātur): quia oriuntur per quamdam sympathiam ex dispositione corporis, nimirum ex copia seminis & spirituum, sicut imaginationes alię, quæ humoris dominantis conditionem sequuntur, vt supra ostensum. Cuius signum est, quod sobrietatis eultores ab huiusmodi imaginationibus & tentationibus plerumque sint liberi, & rarò admodum illis vexentur. Quod si causarum illarum copia non adsit, facile so-

sobrietas præcauet ne nascatur: dum facit ut non comedas aut bibas amplius quam sustentatio corporis postulat. Non enim quantitatem eorum quæ assumit, metitur appetitu, qui maximè fallax; sed ratione, quæ spectat quid, & quantum corpori conseruando, & functionibus animi congruat.

59

Cur appetitus fallax.

Cur verò appetitus fallax sit, causa est duplex. Prima est, quia non solum appetit quantum necessarium conseruando corpori, sed etiam quantum seruire potest procreationi. Ad vtrumque enim finem insitus homini, & ceteris animantibus esculenti, & potulenti appetitus; nimirum ad conseruationem individui, & ad propagationem speciei. Itaque ratio dicat iis qui castè viuere, & incitamentis libidinis carere volunt, non esse obsequendum appetitui, sed dimidia solum ex parte ei satisfaciendum: nimirum quatenus appetit necessaria corporis sustentationi. quod si fiat, nulla erit seminis copia, nulli vel exiui libidinis stimuli. semen enim est superfluum alimenti; nimirum quod corpori alendo non erat necessarium. Vbi ergo non plus alimenti sumitur quam alendo corpori sit opus, ibi vel nihil, vel parum est superflui, quod in semen dispenseretur.

60

Altera causa cur appetitus sit fallax, est, quia sæpè longè plus appetit quam vtrique fini (nempe sustentationi proprii corporis, & propagationi naturæ) conueniat: idque vel ob stomachi prauam dispositionem, ut fit in fame canina, boulimia, & cum humor melancholicus tunicis stomachi impactus: vel

Valetudinis conseruandæ. 65

vel ob ciborum mangonia, & condimenta, qui sua varietate, & nouo sapore assidue ore xini & gulam prouocant. Quâ ob causam talis varietas & exquisita epularû instructio omnibus sobrietatis, & castitatis cultorib⁹; imò omnibus qui suæ valetudinis curam habent maximè vitanda, vtpassim Medici tradunt. Qua de re suprâ diximus.

Ex quibus perspicuum est, in sobrietate, & abstinencia ad libidinem domandâ longè maiorem esse vim, quàm in alijs corporis afflictationibus, cilicijs, disciplinis, chameænia, labore manuum. Hæc enim exterius tantum corpus affligunt, & cutem perstringunt; causam verò mali, quæ interiùs later, non attingunt. Abstinencia verò causam ipsam ex fibris, & venis intimis subducit, & naturæ temperamentum ad mediocritatem reuocat. Itaque hæc omnibus, qui isto malo vexantur, consulenda.

Haftenus de sobrietatis commodis & fructibus: quæ omnia possent sanctorum Patrum testimonijs confirmari, sed ea breuitatis causa præmitto, vnius D. Chrysostomi sententia contentus. Is Homil. 1. de ieiunio ita scribit: *Ieiunium, Angelorum imitatio est pro nostra virili, contemptus præsentium, schola precum, alimonia animæ frænum oris, mitigatio concupiscentiæ, vt probè norunt qui ieiunant: molli furorem, compescit iram, sedat fluctus naturæ, excitat rationem, claram reddit mentem, allouiat carnem, fugat nocturnas sæditates, capitis dolores tollit, claros adfert & colores, & aspectus. Ieiunis gestus cõpositi, expedita lingua, & cetera*

peſſa cogitatio, &c. Vide eundem Homil. 1.
In Genefim. Similia multa legere eſt apud
Baſilium oratione de ieunio; Ambroſium
lib. de Elia & ieunio; Cyprianum orat. de
ieunio, & alios.

62 Dicet aliquis moleſtam eſſe iſtam diætæ
An ſit moleſta. parſimoniam, ut quæ hominē perpetua fa-
me torqueat; ac proinde ſatius eſſe citò mori,
quàm adeo duro remedio miſeram vitam
trahere, iuxta dictum cuiuſdam, cui cùm
erus eſſet ſecundum, reſuſcit inſequens:
Non eſt tanto digna dolore ſalus.

Reſpondeo Primò, Initio quidem eſſe
nonnihil moleſtam, ob contrariam conſue-
tudinem, & ſtomachi diſtentionem; verùm
ſenſim ea moleſtia tollitur. Non enim re-
pentè à magna quantitate ad exiguam tranſ-
eundum, ſed ſenſim ſingulis diebus aliquid
detrahendo, donec ad iuſtam menſuram ſit
deuentum: ut ſæpè Hippocrates docet. Sic
enim ſenſim abſque moleſtia ſtomachus
contrahitur, & auiditas, quæ antè ſentieba-
tur, tollitur. Stomacho autem ad iuſtum &
debitum modum contracto, nulla ampliùs
eſt moleſtia in ſobria diætâ: quia exigua illa
quantitas eius capacitati & viribus aptè re-
ſpōdet. Cuius ſignum eſt, quòd initio Qua-
drageſimæ abſtinere à ientaculo, pleriq. qui
aliter conſuevere, ſit graue; ſed ſenſim ipſo
uſu difficultas illa tollitur: & tantum com-
modi ex abſtinentia multi ſentiunt, ut per-
petuò abſtinere ientaculo cupiant. Idem
multi expertuntur in carenda cœna. Simili
modo cùm quis nonnihil aſſuevit, non eſt

molestum abstinere à quibusdam cibis minus salubribus, etiam si gula prius eos valdè affectaret. Itaque falsum est quod obijcitur, sobriam dietam perpetua fame hominem torquere.

Respondeo Secundò: Esto, aliquid molestiæ in tali diætâ multo tempore sentiat (quod tamen non est ita) sed cogitandū est, exiguam illam molestiam maximis commodis & fructibus compensari. Sobria enim diætâ morbos pellit, corpus agile, sanum, purum, à foetore ac fœditate alienum præstat longævitatē adducit, somnos quietos & placidos inducit: epulas communes suaves & iucundas efficit; sensibus incolumitatem, memorię vigorem, ingenio perspicaciam, claritatē, & ad divinas illustrationes excipiendas aptitudinem confert; passiones sedat, iracundiam & mœrorē pellit, libidinis impetū frangit. Denique corpus & animam maximis bonis replet: ut meritò mater sanitatis, hilaritatis, sapientiæ, & omnium virtutum dici possit.

E contrario vita inordinata exiguam illam & breuem voluptatem quam gulæ ad- *Incommoda vite intemperata.* fert, innumeris compensat incommodis. Nam & ventrem suo pondere grauat, sanitatem perdit, morbos plurimos introducit, corpus fœdum, olidum, sordidum, mucosum & excrementis plenum reddit, libidinem accendit, passionibus animam subijcit, sensus obtundit, memoriā debilitat, ingenium & iudiciū obscurat; denique mentem ad omnes suas functiones, ad disciplinas, ad
ora-

orationem & meditationem, ad sublimia & salutaria omnia hebetat & ineptiorem reddit. quo fit ut & in pulcherrimarum rerum scientia, & in vitę sanctitate, & in meritis bonorum operum minor sit profectus. At quale & quantum bonum est, cuius causa hæc omnia mala sustinentur? Brevis & momentanea gulę voluptas; quę tunc solum sentitur, cum cibis manditur, & in ventrem traicitur; quęquę & per se vilis est, utpote nobis cum bestiis communis, & exiguum corporis partem afficit, nempe linguam, palatum & fauces. Huius causa omnia ista sustinentur, tantaquę mala tolerantur. Huius appetitio est ratio totius difficultatis, quę in sobrietate sentitur. Si enim nulla esset in sumendo cibo & potu voluptas, nulla esset in abstinendo difficultas. Nihil aliud boni habet intemperantia præter viem illam & momentaneam gulę oblectationem. Quam miserum est & homine indignum, se reddere huius mancipium, cuiusquę causa tanta incommoda & dispendia sustinere? Quantum absinthij & fellis pro illa modica dulcedine refunditur?

65

Hęc diligenter consideranda & perpendenda viris prudentibus, maximè ecclesiasticis, & Deo dicatis, quorum professio est functionibus mentis vacare, & rebus diuinis intendere. Si enim ista accuratè expendamus, fieri nequit, quin sobrietas nobis sit placitura, & facilis ac iucunda futura; intemperantia verò horrore & detestationi. Pudebit nos nostrę molliciei, pudebit tantę

vi-

vilitatis & imbecillitatis animi, quod gulę obsequijs ita sumus subiecti, quod durò eius imperiò ad eò serviliter pareamus, quod vilissimis & momentaneis eius illecebris non possimus resistere. Quid turpius aut magis dedecorosum, quàm esse mancipium gulę & ventris? Quid stultius, quàm propter modicam gulę voluptatem renuntiare omnibus animi & corporis bonis quę nobis adfert sancta sobrietas; & exponere se omnibus incommodis & malis quę corpori & animo irrogat intemperantia? Misera mortalium sortem, quę tantę vanitati subiecta est, tantis tenebris occęcata, tantis erroribus obnoxia? cuius mens in iudicando & eligendo, inani specie boni delectabilis quasi per somnium deluditur.

Hęc de sobrietate, quatenus medium est & instrumentum optimum sanitatis corporis, & vigoris mentis in longam senectutem conservandi, & maxima bona utrique parti, tam temporalia quàm spiritualia consequendi, dicta sufficiant: quę ut multis salutaria sint Deum enixè rogo. Finē itaque faciam verbis B. Petri omnes ad sobrietatem hortando: *Fratres, sobrii estote & vigilate; quia adversarius vester diabolus tamquam leo rugiens circuit quærens quem devoret; cui resistite fortes in fide.* Non enim solum ad carnis tentationes, quibus maxima pars mundi succumbit, vincendas valet sobrietas, sed simpliciter ad omnes: sicut etiam ad omnes juvat virtutes, ut ex ijs, quę suprà deduximus, est perspicuum.

66

1. Petri
5.

70
**LVDOVICI
 CORNARI
 VENETI**



**Tractatus de vitæ sobriæ com-
 modis .**

*Vis con-
 suetudi-
 nis.*



Certum est, vsum in hominibus
 successu temporis verti in natu-
 ram: ita vt illos quodammodò
 cogat ad ea vsurpanda, quibus
 consueuerunt, siue bona ea sint

siue mala. Pari modo in multis rebus vide-
 mus vsum consuetum habere plus virium
 quàm rationem. Neque id nega ri potest.
 Imò crebrò cernimus, eum qui probus est,
 consuetudine improbi ex probò fieri impro-
 bum. Et sicut bona consuetudo facilè con-
 uertitur in prauam: ita è còtrario praua sub-
 inde reducitur ad bonam. Nam is qui ex pro-
 bò consuetudine prauì factus est prauus; is
 consuetudine viri probi rursus redit ad pro-
 bitatem pristinam. Et hoc tòtum procedit
 ex vi vsus & consuetudinis, quæ re vera est
 magna.

*via na-
 la con-
 suetudi-
 nis inue-
 nta.* Quæ cum mecum ipse perpenderem,
 animaduerti ex vi vsus in nostram Italianam
 non ita pridem, imò auo meo, tres malos
 mores inuectos. Primus est, adulatio, &
 aulicæ cærimonix. Secundus, viuere iuxta
 sen-

sensum & doctrinam Lucheranam : quæ ratio viuendi ab aliquibus immeritò defenditur consuetudine . Tertius, crapula. Hæc tria vitia, vel potiùs crudelia vitæ humanæ monstra, nostris temporibus sustulerunt è vita ciuili sinceritatem, ab animo religionem, & à corpore sanitatem. Quamobrem statui tractare de vltimo, & ostendere esse abusum; vt, si fieri possit, tollatur. Quod ad opinionem Lucheranam, & adulationem attinet, breui præclarum aliquod ingenium laborem sumet ea refutandi, sicque spero ante mortem me visurum hos tres abusus extinctos, & nostram Italiam antiquis & sanctis moribus suis restitutam.

Vt ergo veniam ad id de quo statui tractare: Dico *crapulam* esse rem perniciosam, quia vitam sobriam extinxit, & plurimum sibi subiecit. Et quamuis omnes norint, *crapulam* procedere è vitio gulæ, & vitam sobriam à virtute temperantiæ: nihilominus *crapula* habetur res liberalis & honorabilis; vita sobria res sordida & contemptu digna. Hoc totum procedit ex vi consuetudinis, quam sensus & appetitus sensualis intro duxerunt, qui ita inescarunt & inebriarunt homines, vt relicta bona via, se conuerterint ad sectandam prauam, quæ illos latenter conducit ad peregrinas & letiferas infirmitates, & præmaturam senectutem, cum priùsquàm quadragesimum ætatis annum attingant, pænè sint decrepiti. Oppositum vita sobria, priùsquàm esset hinc abacta præstabat, conseruando homines in prospera

spera valetudine, etiam anno ætatis octuagesimo.

4. O miseram & infelicem Italiam? non aduertis *crapulam* quotannis tibi plures eripere personas, quàm posset è medio tollere vel tempus grauissimæ pestis, vel multi armorum conflictus? Quid dicam de tuis conuiujs verè inhonestis, quæ iam passim in vsu; quæ adeò sunt grandia & intolerabilia, vt mensæ satis capaces fieri nequeant, propter infinitam ciborum multitudinem, qui imponuntur; ita vt opus sit lances alias alijs in cumulum imponere? Quis posset viuere in tantis excessibus, & vitæ humanæ infestis venenis? Per amorem Dei ponatur in istis modus: quia certus sum, Maiestati diuinæ ea maxime displicere. Abigatur ista noua mors: illa nostris maioribus inaudita pestis, ne tanta damna animis corporibusq; inferat. sicut publica auctoritate sunt prouisiones annonæ salubris: ita & in vsu moderatio præscribatur, quæ valetudini ciuiû sit consentanea.

5. Nec desunt *crapulæ* exterminandæ etiam priuata remedia quibus quilibet apud se uti poterit; nimirum si uiuat secundum naturæ simplicitatem, quæ paucis est contenta, teneatque medium sanctæ temperantiæ ex rationis præscripto, & assuescat non comedere amplius quàm vitæ necessitas postulet, certò sibi persuadens, illud amplius infirmitatem esse & mortem. Cogitet voluptatem palati momentaneam, sed noxam quam infert corpori & molestiam diuturnam,

cam.

eamq. tandem ipsum corpus vna cū anima perimere. Vidi ego multos ex meis amicis præstantissimi ingenij, & nobilis naturæ, florenti ætate abreptos ista peste intemperantiæ, qui si viuerent, essent, & mūdo ornamento, & multis mortalibus solatio Itaq. vt tantis dānis occurrā in pōsterū, statui hoc breui discursu patefacere, *Intemperantiā* esse abusum, qui facillē possit tolli, vita sobria in eius locū introducta. Quod eō libētius faciā q̃ multi iuuenes ingenio præstantes me ad hoc obstrinxerunt. Cū .n. viderint parentes suos ætate florēti extinctos, & me in ætate 81. annorū adeō sanū, & valentem, incessit illis desiderii eōdem perueniendi : meq. rogarunt, vt modū, quē ea in re tenui, aperirē. Itaq. vt illorū honesto desiderio faciā satis, & simul alios multos, qui hoc expēdere volent, iuuenem: declarabo causas quē me cōpulerunt intemperantiā deferere, & vitam sobriam capessere, narrando modum, quem ea in re secutus sum, & quidnam bonus iste vsus in me sit operatus. Hinc clarē cognosce tur, quā facile sit, vitium intemperantiæ superare. Adiungam in fine, quantos fructus ex vita sobria capiamus.

Dico ergo, infirmitates, quæ non solum initia in me dederant, sed etiam magnos progressus fecerant, causam mihi præbuisse relinquendæ intemperantiæ, cui multum eram addictus. Per hanc enim & prauitatem mei temperamentī (cū stomachus mihi esset frigidissimus, & humidissimus) inciderā in varios morbos, nepe in dolorē stomachi, & sæpè lateris, initiaq. podagræ, cū

6
Causæ
curan-
tior vi-
sam so-
bria sō-
ample-
xus.

vna febricula ferè cōtinua, & siti perpetua.
 Ex hac pessima dispositione non aliud mihi
 restabat expectandū, q̃ vt post multas vitæ
 molestias ac dolores finē acciperē per mor-
 tē: cū tñ vita mea tantū per naturā adhuc
 abesset à termino, quantū per intēperantiā
 ei erat propinqua. Cū igitur hisce modis
 affectus essē ab anno 35. vīq; ad 40. ætatis
 meæ, adhibitis, & tētatis oībus remedijs abs-
 que fructu, dixerūt Medici, vnā adhuc meis
 malis superesse medicinā, si velim ea cōstam-
 ter vti, & patienter cōtinuare: nēpe *vitā so-*
briam, & ordinatam: hanc habere maximam
 vim ad sanitatem recuperandam, & conser-
 uandam, sicut ei contraria maximam vim
 habet ad eam labefactandam, & extinguen-
 dam; vt ego iam experientia didiceram. Il-
 la enim homines prauæ complexionis, & æ-
 tate decrepitos conseruat sanos: hæc etiam
 ætatē florentes, & perfectissimæ complexio-
 nis prostermit, & lōgissimo tempore in mor-
 bis detinet. Quod etiam ipsa ratio conuin-
 cit. Nam contrariæ causæ contrarias habēt
 operationes, & effectus: vitia naturæ sæpè
 arte emendari; terrasq; steriles, & malignas
 mangonio agriculturæ reddi fertiles, & fru-
 ctiferas. Addebant, nisi tali remedio tunc
 vterer, intra paucos menses me cō redac-
 tum iri, vt ampliùs iuari nequeam, & po-
 steà intra paucos alios moriturum. Auditis
 his rationibus, cū abhorrerē à morte ad eò
 præmatura, & premerer assidue morborum
 doloribus, persuasus fui, ex temperantia,
 & intemperantia necessariò supradictos cō-
 trarios effectus nasci debere; & spe bona vi-
 tandæ

tandæ mortis, & emergendi è doloribus, animatus, statui me dedere vitæ ordinatæ.

Itaque accepto ab illis modo quem deberem tenere, intellexi me non posse comedere aut bibere nisi è cibus, & vino, quæ vocantur infirmorum, idque in modica quantitate. Idem mihi antea mandarunt: sed ego tunc temporis cum modò meo vivere vellè, & tales cibos fastidirem, nō acquiescebam, sed vescebar cibus palato gratis, & cum sentirem internos, ardores, bibebam vina gustui amica, idq. magna copia: nec tamen ea de re quidquā Medicis dicebam, ut passim moris est infirmorum. Sed postquam statui sectari temperantiam, & rationis ductum, & viderem non esse rem difficilem, sed proprium, & debitum hominis officium, ita me addixi huic viuendi rationi, ut rumquam à recto tramite deflecterè. Quod cum facerè, paucos intra dies cœpi cognoscere, tali modo me plurimum iuuari, eumq. continuâdo, intra spatiû temporis minus anno (etsi videri queat alicui incredibile) sui ab oïbus meis infirmitatibus prorsus immunis, & liber.

Sanus effectus, cœpi cōsiderare vim temperantiæ, & ita mecum reputare: Si temperantia tantas habuit vires, ut tâta mea mala profligaret, & sanitatē adduceret; multò magis vim habebit, ut mihi sanitatē conseruet & prauam meâ cōplexionem iuuet, & debile stomachû corroboret. Quapropter diligentissimè cœpi inuestigare, qui cibi proposito meo congrueret, qui aduersarentur: & statui experiri, si illi qui gustui placent, mihi commodû an noxâ adferrent, & an prouer-

biū illud, quo homines gulæ dediti, se tueri solent, *Quid sapit nutrit, & inuat*, sic veritati cōsentaneū. Hoc cū facerē, deprehēdi esse falsum: nā vina fortia, & frigidissima optimē mihi sapiebant; similiter melones, & alij fructus, lactuca cruda, pilces, caro porcina, tortulæ, legumina, cibi ex pasta farinæ, & similes; tñ ex his omnibus nocuentū sentiebā. Itaq. experientia fretus, ciborū illa genera, & vina fortia, & potionē frigidam reliqui, assumpto vino quod stomacho meo esset cōmodū, eaq. mensura, quæ facilē posset cōcoqui. Idē feci in cibis quod ad qualitatem, & quantitātē attinet; simul ita assuescens, vt nūquam appetitu cibi potūsve saturo ē mensa discederem, sed possem amplius comedere, & bibere; secutus ea in re dictum commune: *Se non satiare cibus, studium est sanitatis.*

9 Hæc ratione submota in cōperātia, me ad dixi vitæ sobriæ, & regulatæ: quæ primò in me operata est id q̄ dixi, nimirū vt interuallo minore q̄ vnus annū liberatus fuerim omnibus malis, quæ tanto tēpore me obsederant, & reddita erant quasi incurabilia: deinde vt in posterum nō amplius quotānis in morbū inciderē, sicut antea solitus erā, cū sēsis, & appetitu obsecundarē. Ab eo itaq. tēpore liberatus fui, & sanitissimus effectus, idq. mihi in hæc horā continuauit: cō q̄ à suscepta sobriæ vitæ ratione numquā discesserim. quæ sua vi admirabili efficit, vt cibus & potus cōgrua mensura assumptus, vim suā corpori relinquat, & superflua sine difficultate exeant, nullo prauo humore in corpore generato.

10 Cum hac dixta, ab alijs quibuscūq. nocu-
men-

mentis mihi caui, nimirū à nimio calore, frigore, fatigue, vigilijs, & ab excessu in opere cōiugali: itemq. ab habitatione noxij aeris, à ventis, & solis ardore. Et si. n. in mēsurā cibi, & potus ratio valetudinis potissimū cōsistat; tamen illa quoque quæ iā commemorata, suam vim habent. Seruavi me quoq. quantum potui immunem ab odio, & melancholia, alijsq. animi perturbationibus, quæ magnā in corpora nōstra vim obtinent. Non tamen ita potui me ab omnibus istis seruare liberum, quin subinde in quēdā inciderem: sed ea res mihi ad hoc adminiculo fuit, vt cognoscerē per experiētiā, illa nō magnam vim habere, nec magna posse dārna inferre in corpora, quæ moderatōine cibi, & potus benè sunt disposita: ita vt verè possim dicere eos, qui in duobus istis, quæ per os intrant, congruam mensuram seruauerint, ab alijs excessibus parum nocuenti passuros. Confirmat id Galenus, cū ait, omnes alios excessus, v.g. solis ardorem, frigora, ventos, labores, &c. parum ei nocuisse, eò quòd in duobus illis, quæ per os intrant, nimirum in cibo, & potu, debitam moderationem seruaret; ac proinde ab illis incommodis nunquam ægrotasse, nisi per vnum diem. Id ita se habere, per experiētiā cognoui, sicut testari possunt multi qui me nouerūt. Sæpè enim passus frigora, calores, & alia huiusmodi corporis incommoda; sæpè animi non modicas vexationes: sed parum hæc mihi nocuerunt, cū tamen alijs qui temperatè non viuebant, nocuerint plurimū. Cū enim frater meus, & alij quidam de mea fa-

milia viderent motam mihi à viris potenti-
bus litem maximi momenti, & metuerent
ne causa caderem, correpti sunt humore
melancholico, qui in corporibus vitæ inor-
dinatæ solet abundare, qui malignitate con-
tracta ita increuit, vt eis mortem præmatu-
ram attulerit. Ego verò, cui res maximè de-
bebat esse cordi, nihil passus sum incommo-
di; eò quòd talis humor in me non esset su-
perfluous: quinimmò vt mihi ipse animum
adderem, conabar credere, diuina prouiden-
tia hanc litem mihi excitatam, vt cognosce-
rem quantam vim sobria vita in corporibus
animi q; nostris habeat, ac tandem me fore
victorē; sicut paulò post euenit. Nā in fine vi-
ctoriā retuli magno meo honore, & fructu
rei familiaris. Vnde percepi maximū tū gau-
dium, quod tamen corpori nocumentū in-
ferre non potuit. Ex quibus perspicuum est,
neq. melancholiam, neq. alium animi affe-
ctū nocere posse corporibus vitæ réperatæ.

- II** Amplius dico, etiam contusiones, & la-
psus, qui alijs periculum mortis adferre so-
lent, & grauissimè afficere, non posse nisi
modicum nocumentum, & modicum dolo-
rem talibus corporibus adferre. Hoc ita es-
se, experientia probaui cum essem septuage-
narius. Cum enim rheda celeriter procede-
rem, accidit eam euerti, & sic euersam per
aliquod spatium impetu equorum raptari.
Hinc grauitè mihi læsum caput, & corpus
vniuersum, & insuper alterum brachium, &
altera tibia suis iuncturis diuulsa. Domum
relatus, cum à Medicis viderer ad eò malè
mūltatus, concluderunt me intra tridū ef-

se

se moriturū. Nihilominus posse in omnem euentū adhiberi duo remedia, sectionē venæ & medicamentū euacuans; vt humorū affluxus, & inflāmatio, & febris (quæ certissimè mox putabatur secutura) impediatur. Ego contrā, cū scirē vitā meam ordinatam tot annis continuatā, humores corporis mei ita tēperasse, & dispensasse, vt non possent multū conturbari, aut confluxū grauem efficere, recusauit vtrumq. remediū, & solū iussi vt tibiā, & brachiū suis iūcturis re&ituerēt, & singulas partes congruis oleis vngerent: sicq. absq. alio remedio cōualui, nullo alio incommodo, nulla alteratione affectus: quæ Medicis instar miraculi visa. Vnde concludo, eos qui vitam temperatam colunt, parum mali ab alijs incommodis sensuros.

Sed, & hoc quoq. per experiētiā cognouij; ordinatæ vitæ regulam diu obseruatam, non sine grauissimo incōmodo violari. Quatuor iam anni sunt (accedit .n. cū 78. esset annorū) cū Medicorū consilio, & meorum importunitate assidua inductus sum, vt aliquid mensuræ consuetæ adijcerē. Varias rationes adforebant: senilē ætatē non posse tā modico cibo, & potu sustentari; neq. solū dandā operā vt natura vtcumq. sustentetur, sed et robur, & vigorem habeat: idēq. nisi per cibum, & potum fieri nō posse. Ego contrā naturā paucis esse contentā: me tot annis modica illa mensura sanum perseuerasse: hanc consuetudinē mihi versam in naturam: rationi consonū esse, vt crescentibus annis & viribus sensim decrescentibus, cibi potusque mensura minuarur potius quā

12
Ordina
te vi
te re
gula
pericu
lose nio
latur .

augeatur; vt patiēs sit proportionatū agentū stomachi vim sensim fieri imbecilliorē. Huc pertinere duo prouerbia apud Italos v̄sitata. Alterū: *Qui multū vult comedere, comedat parum*: nimirū, quia parū comedēdo protrahit vitā. Alterum: *Plus iuuat cibus qui superest comedendi, quā qui ab illo comestus*. Vbi infinuat, nocumentum immoderati cibi assumpti maius esse, q̄ sit cōmodum ex moderato. Verū hęc oīa, illis assiduē vrgentibus, me tue ri non poterunt. Itaq. ne uiderer obstinatio- rior, & vt amicis gratificarer, cessi tandē, & permisi mēsurā cibi augeri, sed duabus dum taxat vnciis. Cū n. antea mēsurā cibi diur ni totius, nimirū panis, vitelli oui, carnis, & minellrē esset vnciarum 12. exactē pensata, auxi adiectis 2. vnciis ad 14 mensurā potus, quē vnciarū erat 14. auxi ad 16. duabus simi liter vnciis adiectis. hoc augmentū post de- cem dies ita in me cœpit operari, vt ex lēto, & alacri factus sim melancholicus, & chole- ricus, adeo, vt omnia mihi essēt molesta, nec scirē quid dicerem aut facerē. Duodecimo die inuasit me dolor lateris, qui 12. horis du- rauit: deinde superuenit febris gravissima, quē 35. dies & totidē noctes cōtinuauit; etsi post quintūdecimū diē semper minor eua- serit. Accedebat, q̄ interea tēporis non pos- se capere somnū, vel ad vnius horē quadran- tem: vnde oēs iudicabant me moriturum. Nihilominus ego (Dei gratia) me curavi so- la regula viuendi, etsi iā essem annorum 78. & hiems esset aurāq. frigidissima, & cor- pus extrema macie cōfectum. Mihiq; certū est, nihil aliud post Deū me à morte liberaſſe.

se, quæ exactâ illam vitæ regulam, tot annis à me continuatâ: quo tempore vniuerso nihil mali sensi, nisi subinde aliquâ indispositione vnius aut alterius diei. tot. n. annorū temperantia, consumptis prauis humoribus, non permiserat alios malignos subnasci; neque probos corrumpi, aut malignam qualitatem contrahere, sicut in senum corporibus, qui absq. huiusmodi regula viuunt, euenire solet. Nulla in humoribus corporis mei senilis malignitas, quæ mortales occidere solet. Noua autem illa ex noua inordinatione, de qua dixi, introducta, vim non habuit (etiam malum esset grauissimum) ad me occidendum.

Ex his clarè perspicitur, quanta sit vis recti ordinis, & inordinationis, temperantiae inquam, & intemperantiae: quarum illa tot annos me sanum præstitit; hæc etsi exiguus ferit excessus, paucis diebus ita profstrauit. Si mundus ordine constat, si vita nostra corporalis pendet ab harmonia, & proportionem humorum ac elementorum: mirum non est, si ordine certa regula debeat conseruari; & inordinatione lædi ac destrui. Ordo disciplinas reddit faciliores; exercitum efficit victorem; regna, ciuitates & familias in pace retinet, & confirmat. Vnde cōcludo, vitam ordinatam esse certissimam rationem, & fundamentum vitæ sanæ, & longæ; ac veram, & solam medicinam morborum plurimorum. Neque id quispiam negare potest, qui rem attentius inspexerit. Hinc Medicus cum infirmum visitat, hanc ei primam medicinam præscribit, ut

13
Vita sobria optima medicina morborum.

certa mensura cibum potumque sumat : eandem commendat iam curato , si sanitatem retinere desiderat. Neque dubitandum est, quia à morbis in posterum liber foret, si talem vitæ rationem teneret : quia omnes illa morborum causas rescicaret , & ita nec Medicis nec medicamentis ei opus foret. Imò si animum ad ea quæ oportet, attendere velit, se ipse Medicum efficiet, & quidem perfectissimum. Nam re vera homo non potest esse alijs perfectus Medicus, sed tantum sibi soli. Cuius rei hæc est ratio. Quivis enim diversis experiensijs potest cognoscere naturæ suæ conditionem, suasque occultas proprietates : qualis cibus & potus , & quæ mensura naturæ suæ congruat. Hæc tamen non ita possunt cognosci in alijs : quia opus longa experientia, & observatione exactissima, quæ circa alios non facile habere possumus ; præsertim cum maior sit diversitas temperamentorum quam vultuum. Quis credat, vinum vetus nocere meo stomacho , & novum iuvare ? Me pipere minus incalescere quam cinnamomo ? Quis Medicorum has duas occultas proprietates mihi indicare potuisset, si ego longa experientia vix tandem eas deprehendere potui ? Itaque alter alteri non potest esse perfectus Medicus. Vnde cum homo non habeat meliorem seipso Medicum, nec melius medicamentum quam sobriam vitam, perspicuum est hanc omnino amplectendam.

14
*Medici
neces-
sarii.*

Non tamen negaverim quin Medici sint necessarii, & magni pendendi ad cognoscendos & curandos morbos, in quos sæpè incurrit qui vitam ordinatam non sectantur. Si .n. amicus,

amicus, qui te visitat in morbo, & solum verbis solatur, & compatitur, re tibi gratâ præstat: quâto tibi charior debet esse Medicus, qui instar amici te inuistit ut iuuet, remedia adhibet, & salutem tibi promittit? Verum ut quis sanum se cõseruet, sentio deberi amplecti loco Medicæ vitæ regulam, quæ, ut experientia constat, est medicina naturalis, & nobis propria: quia etiã maligni tẽperamenti corpora conseruat sana, & efficit ut ad longum quum est 100. annorum & amplius, vitam proferat, & tandem absq. doloribus, & humorum perturbatione vitam finiant, ac per puram humoris radicalis consumptionem, instar lâpadis extinguantur. Multi putarunt id posse fieri auro potabili, & lapide philosophico (quæ Elixir vocant) à multis quæsito, à paucis inuentos: sed frustra sunt, si vita temperata absit.

Verum homines sensuales, & intemperantes (quales pleriq. sunt) volentes suos appetitus satiare, & gulæ indulgere, et si videant ab intemperantia se malè subindetractari: nihilominus vitam sobriam refugiunt. quia, inquit, *Melius est obsequi appetitui, & de cem annos minus viuere, quàm naturam suam assidue frænare.* sed non considerant quanti momenti sint homini decem anni vitæ, & sanæ vitæ in ætate matura, qua maximè perficitur, & viget prudentia, & sapientia, & omne virtutum genus, quæ nisi in illa ætate perfectè esse nequeunt. Et de ceteris taceã, nonne omnes penè eruditissimi libri quos habemus, à suis auctoribus ætate matura, & illo decennio, quod illi præ gulæ suæ voluntate nihili æstimant, conscripti sunt?

16 *Nō es-* Præterea dicunt isti sensuū serui, vitā ordi-
se rem natā rem esse adeò difficilem, ut seruari ne-
diffici- queat. Ad hoc respondeo, Galenū illā ser-
lem. uasse, & loco optimę medicine habuisse: Pla-
 tonē quoq. & Isocratē & Ciceronē, aliosq.
 plurimos veterum; & nostra ætate Paulū ter-
 tium, & Cardinalem Bembū, qui idcirco tā
 diu vixerunt: & nostris Ducibus Landum,
 & Donatum; aliosq. plurimos inferioris cō-
 ditionis, non solum in vrbe, sed etiā in vicis
 ac pagis. Itaq; cū multi olim illam tenuer-
 rint, & modò adhuc teneant, non est res quæ
 non à quolibet præstari queat: præsertim cū
 hic non sit opus multis aut exquisitis rebus,
 sed tā:ū vt quis incipiat, & sensim adsuescat.

Nec obstat q̃ Plato dicat, eos qui in Re-
 pub. versātur, nō posse vitā ordinatā tenere,
 quia sæpè opus est calores, & frigora, & ven-
 tos, & imbres, & niues ac varios labores ppe-
 ti, quę nō cōueniunt vitę ordinatę. Respon-
 deo . n. huiusmodi incōmoda nō esse magni
 momenti (vt supra ostensum est) si vitā so-
 briam agas in cibo & potu: qđ facile est iis,
 qui in Rep. versātur, & maximè cōueniēs: tū
 vt à morbis, qui functiones publicas impe-
 diūt, se præstent immunes: tū vt mente in oī-
 bus, quę occurrunt, negotiis magis vigent.

17 Obiiciunt aliqui: Qui vitā agit regulatā,
 comedendo semper infirmorū cibos, & exi-
 gua quantitate, quid faciet in morbis? qua-
 lē diætā capeffer, cū eā anticiparit sanus?

Respondeo Primò: Natura, quę hominem
 nititur cōseruare quantū potest, nos docet
 quomodo in morbis debeamus nos governa-
 re: nā subito tollit appetitum, vt non come-

dat

dat nisi parum: ipsa .n. paruo est cōtenta.
Vnde infirmus siue antea vitā regulatā tenuerit, siue nō cū infirmus est, non debet uesci nisi cibis morbo congruentibus, idque multo minore mensura, quā cū esset sanus. Si enim priorem mensuram seruare uellet; naturam, quæ iam morbo grauata est ac debilitata, opprimeret.

Secundò respondeo, & meliùs: Eum qui vitam sobriam sectatur, non posse in morbum incidere, imò rarò, & exiguo tempore sentiet indispositum: quia ratio illa viuendi sustulit mali causam. Causa sublata, tollitur quoque effectus, nempe morbus.

Quare cū vita ordinata adeò sit utilis, adeò virtuosa, pulchra & sancta; digna est quā omnes amplectantur: præsertim cū facilis sit & hominis nature maximè consentanea. Nemo qui illā sectatur, astringitur ut tā parum comedat aut bibat q̃ ego: nemo uetatur uesci fructibus, pisce, & aliis, quibus ego nō uescor. Ego parum comedo, quia tantillum satis est paruo, & debili meo stomacho. Abstineo fructibus, pisce & similibus cibis, quia mihi nocēt: qui uerò talibus iuuātur, possūt, imò debent illis uti; tantū abest ut sint uetandi. Cuilibet tñ cauendum, ne maiorem quantitatem etiā cōmodissimi cibi, uel potus assumat, q̃ uenterculus ipsius faciliè possit concoquere. Vnde qui nullo cibi uel potus genere offenditur, ei sola quantitatis regula, nō qualitatis est seruāda. quæ res factu est facillima.

Nemo hic mihi obijciat, multos reperiri qui etsi inordinatissimè uiuāt, sani tamē ad ultimos vitæ terminos perueniūt; quia cū

hæc

Quidā hæc res sit incerta, periculosa, & rarissima ac
inordi- cidat; non debet eius fiducia nos inducere ad
nate vi vitā inordinatā. Nō est prudētis, tantis se ex-
ponere ponere morborū & mortis periculis ac incō-
diu sani modis, spe euentus felicitis, qui rarissimis ob-
tinunt tingit. Magis securus est vitæ, senex prauæ
sed hi cōplexionis, tenens vitæ regulā; quā iuue-
rarissi nis robustissimus absque regula viuens. qui
mi. tamē probi est tēperamēti, potest cum recto
 vi & ordine longius, producere vitā, quā
 qui est prauī. Et potest interdum fieri, vt ho-
 mo sit tā boni & firmi tēperamenti, vt etiam
 absque tāta regula possit viuere sanus annos
 plurimos, & mori in extrema senectute p̄ pu-
 rā resolutionē: sicut Venetijs accidit procu-
 ratori Thomæ Cōtarenō, & Paduæ viro no-
 bilī Antonio Capo di vacca. Sed talem vix
 vnū inuenias inter centū millia. Vnde quod
 ad alios attinet, si quis ex illis diu sanus vi-
 uere exoptat, & absque dolore & molestia
 mori per resolutionē; necesse est vt ordinatā
 vitæ rationē teneat Hoc enim modo, nō ali-
 ter, potest frui fructibus talis vitæ, q̄ sanē sūt
 plurimi, & singuli eorū maximi æstimandi.

20
Effec- Primò, quia efficit vt humores in corpore
tur vi sint puri & benigni: quò fit vt nō permittat
se so- fumos. ē vētriculo ad caput efferri Vnde vi-
bria. terius sequitur, vt tali hominī cerebrū sit pu-
 rū instar speculi, & mēte vbique vigeat. Ita-
 que facilè ex infimis istis & terrenis ad diui-
 narū rerū sublimes ascēdit considerat ones,
 cū summa animi voluptate & cōsolatione;
 eaq̄c cognoscit, quæ aliās numquā potuif-
 set cogitare: nimirū quāta sit Dei potentia,
 sapētia & bonitas. Hinc descēdit ad naturā

corporalē eamque cognoscit esse opus diuini. Videt & manu-tāgit ea quæ in alia ætate, & cerebro minùs purgato non potuisset vni-quā videre vel tāgere. Tūc videt turpitudinē vitij, in quod cadit is, qui affectus humanos nequit domare . Tūc cognoscit triplicē illā cupiditatē, quæ nos ab ineunte ætate comitatur, carnalis voluptatis, honoris, & diuitiarū; quæ in senibus vitæ intemperatæ crescere solet. Hanc is, qui nō sensū & appetitū, sed rationis ductū longo vsu cōsuevit sectari, faciliē temperat & cohibet: ita vt ab ea nō magnopere infestetur . Deinde cū se videt ad terminū tēdere, & resolutioni propinquū nō concipit inde animo mœrorē; quā cū sciat Dei beneficio, relicto vitio, sectatū virtutē, sperat per Christi Redemptoris nostri merita mori in eius gratia, & æterna frui beatitudine. Accedit quodd videat se iam ad id ætatis peruenisse, ad quod paucissimi pertinent: & mortē propinquare nō cū impetu & ex improviso cū acerbis doloribus, sed leni & benigno passu, solius humidi radicalis, qui instar olei lucernæ sensim minuitur, cōsumptione: quo fit vt ipse suauiter sine dolore, ab hac vitā terrena & mortali, ad cēlestē & æternam transeat.

O sanctam & verē felicem vitam ordinatam, meritoque ab omnibus colendam: O infelicem & detestandam vitam inordinatā, quæ tantis malis genus replet humanum. Pulchra vox & amabilis, *Vita ordinata, sobrietas, temperantia*: sicut ē contrario sceditatem sonat, *Vita inordinata, crapula intemperantia*. Et tale discrimen inter hæc cernitur,
quale

21
Laur vi
se so-
bria.

quale inter vocem *Angelus*, & *Diabolus*.

Haecenus explicui causas, per quas me ab intemperantia vindicaui, & vitæ sobriæ addixi, & modum quem in ea re tenui, & quid inde mihi acciderit: & commoda quæ illa suis affectis præstat.

Sed quidā sensibus dediti, & parum rationi obsequentes obijciunt, non esse optatam longā vitā, eò quod post sexagesimum quintum ætatis annum, non possit dici. *Vita vana*, sed *Vita mortua*. Verū hi errāt, grauit̃, vt nūc ostendendā ex mēplo, narrando mea oblectamenta, & voluptates, quas in hac mea ætate 83. annorum capio, quæ tales sunt, vt passim me homines felicem indicent. Prospera vtor cōtinuò valetudine, & ita sum agilis, vt ex plano faciliè equū conoscēdā; & altos gradus, & colles sublimes pedibus subeā. Deinde semper sum alacris, iucundus, & benè cōtentus, liber, animi turbelis, & omni molesta cogitatione: quorum loco gaudium & pax in corde meo suā fixere stationem. Non me tēdet vitæ, quā ego magna mea voluptate transigo. Sæpè offertur occasio colloquendi cum viris præstantibus, qui ingenio, moribus, literis, alijsq. virtutibus excellūt. Cū talium deest copia, trado me lectioni alicuius libri eruditi, & postea scriptiōni, id oībus inquirens, quo possim iuare alios quantum vires meæ permittunt. Hæc oīa facio pro meo cōmodo, & cōgruis temporibus, & in proprijs ædibus, quæ præterquā quod sint in pulcherri-
ma huius eruditæ ciuitatis (Paduę inquam) regione, sunt valdè pulchræ, & cōmodæ, quales paucę hæc ætate, secundū rationē archi-

rectu-

*Aetas
senilis
multa
habet
oblecta-
mentā.*

teſturæ ita à me fabricatæ , vt nō minus ad-
uerſus æſtum, q̃ frigus ſeruiant. Fruor ſimul
meis hortis, iſſq̃ diuerſis, aquarū currentium
riuis ad latus deriuatis: in quibus magna ſa-
nè oblectatio. Furor aliquot mēſibus per an-
nū oblectatione collis in montibus iſtis Eu-
ganeis, vbi & fōtes habeo & hortos, & domū
cōmodiſſimā . Fruor alia villa mea in plano
ſita, quę eſt pulcherrima: qui plurimę vię ita
diſpoſitæ, vt in mediā quādā aream benè am-
plā concurrant: in huius areæ medio Eccle-
ſia ſatis honorata pro loci cōditione Inter-
luitur hæc area fluuijo Brēta, vtrinq̃ magnis
cāpis adiacentibus, qui fertiles, & benè culti,
multiſq̃ habitaculis ornatī. Antea nō ſic e-
rat; quia locus erat paluſoſus, & malè ſanus
beſtijs q̃ hominibus aptior: ſed ego aquas de-
duxi, terrā ſiccaui, & aerē bonū effeci , vnde
homines eō cōcurrerūt, & edib. edificatis ha-
bitare cęperūt, felici ſucceſſu. Hoc mō locus
ad eū ſtatū, multiplicatis plurimū incolis p-
ductuſeſt quē hodie videmus: vt poſſim ve-
rè dicere, me Deo dediſſe tēplū & altare , &
animas q̃ ipſū adorēt : cuius rei recordatio
maximū mihi adfert gaudium. Excurro et ā
quotannis ad aliquā è ciuitatibus vicinis, vt
amicorū fruatur aſpectu & colloquio, & pręte-
rē artificum præſtantū in architectura, pi-
ctoria, ſculptoria, muſica, & agricultura, qua-
liū hoc æuo magna copia. Inſpicio eorū ope-
ra, cōſero ea cū antiquis, & ſemper diſco ali-
quid, quod gratū noſſe. Luſtro palatia, hor-
tos & antiquitates, loca publica, tēpla & mu-
nitiones, nec quidquā omitto , vnde poſſim
diſcere, & voluptatē capere. Oblector quo-
que

que pluri nūm cūm proficiscor, in itu & redditu cōsiderando pulchritudinē locorum, & eorū sitū: quorū alij in plano, alij in colle, vicini fluminibus vel fontibus, multis structuris & hortis exornati. Neque hæc oblectatio mihi sensuū obtusione redditur minor; quia omnes mihi sensus perfectè vigent, præsertim gustus; ita vt simplex cibus quouis loco magis mihi sapiat, quàm olim, cūm sensibus & vitæ inordinatæ deditus, omnes delictæ. Lectorū mutatio nō mihi molesta: quouis loco benè & quietè somnum capio: somnia pulchra & iucunda. Sed hoc imprimis oblectat, quòd vidēā felicē exitū fortiri conatum illū, huic Reipub. vtilissimū, quo tāta locorū incultorū spatia reducuntur ad culturā, meo suggestu, & cōsilio inchoatū. Fui ego vn^q ex deputatis ad illius operis directionem, & mansi in locis illis palustribus duos menses cōtinuos in feruore æstatis: nec tamē indo scī si aliquid noxæ aut incōmodi, tanta vitæ sobriæ, quæ sēper & vbique me comitatur, est vis & efficacia. Præterea certò speramus videri inchoatā & finitā aliā molitionē nō minoris momenti, qua cōseruetur nostrū ætuariū, maximū & admirabile munimen charæ patriæ: cuius cōseruationis ratio & modus à me (absit verbo iactantia): est excogitatus, & sēpius huic Reipub. suggestus, tū viua voce, tū scriptorū meorum lucubrationibus. Hæc sunt oblectationes & solatia meæ senectutis: qualis planè senectus multūm præferēda est alterius iuuetuti & senio; id quod per vitā sobriam, Dei gratia, ab animi perturbationibus, & morbis corporis sanata, nō sentiat ea incom-

incōmoda , quibus infiniti iuuenes & totidē
lāguidi senes miserē cōflictantur . Sed & ex
hoc, quomodo corpore & animo sim dispo-
situs, cognōsci queat, quōd hac ætate nempē
annorū 83. cōposuerim lepidissimā comœ-
diā, plenā honestis iocis, & verborū salibus;
quod genus poematis solet esse partus iuue-
tutis, cui ob varietatē & iucūditatē maximē
congruit: sicut tragœdia senectutis; cui ratio-
ne gravitatis & tristitū euentū quos propo-
nit, est accōmodata. Nūc si Grecus poeta lau-
detur, quōd anno 73. ætatis tragœdiā conscri-
psit, & idcirco sanę mētis & prudēs iudicatus
est: cur ego minūs videar felix aut sani iudi-
cij, cū 10. annis illo senior confecerim co-
mediā? Nē qua verō desit meę senectuti oble-
tatio, intueor assiduē speciē quādā immor-
talitatis in successione meorū posterorū Cū
enim domum redeo, inuenio vndecim nepo-
tes, omnes vnus patris & matris filios, om-
nes sanissimos; oēs, quātū conijcere licet lit-
teris pariter ac bonis moribus aptissimos, &
valdē deditos. Recreor illorū cantu & bonis
morib⁹: & ipse cāto sēpenumerō, quā clarior
mihi nūc magisq; sonora vox, q̄ umq; antea .

Ex quibus perspicuū est, vitā, quā ego ui-
uo in hac ætate, nō esse vitā mortuā, tristē,
morosā; sed uiuā, letā, iucūdā. Neque si mi-
hi optio detur, uelim mutare ætatē, & corpo-
ris mei statū cum iuuenili eorū qui sectantur
suos appetitus, etsi optimi sint tēperamenti,
& naturę robustissimæ : quia tales quotidie
sunt expositi mille morbis, & mortibus; sicut
quotidiana experientia docet, & ipse in me-
sum expertus, cū iuuenis essem. Scio quā
illa

illa ætas sit inconsiderata, & ppter caloris abundantiam animosa, & sibi ubiq. præsiciens spe bona in omni re: tū ppter defectū experientiae, tū quia se putant ad oīa satis firmos & validos. Vnde audacter se periculis quibusvis exponūt, & abacta ratione, traditoq; rationis imperio in manibus cōcupiscentiæ, quærunt ubiq. satisfacere suis desiderijs: nec aduertunt miseri, se hac ratione multos morbos, ac sæpè mortem præmaturā sibi accersere. quorū malorum alterū est toleratu acerbū alterum intolerabile, & tremendū. Mors .n. apparet intolerabilis oībus sensuū, & carnis mācipiis, & potissimū iuuenib⁹, quibus sum mum malum videtur, mori ante tempus. Eadem tremenda illis, qui peccata sua, quibus vita ista mortalis est plena, & vindictā diuinę iustitię, in penarū eternitate considerāt.

24 Ego verò contrā ab utroq. hoc malo sum immunis: à morborū metu; quia certus sum nō faciliē me posse in morbum incidere, morborum causis per sanctā medicīnā. sobrietatis excisis. A mortis anxio metu; quia tot annorum vsu didici locum dare rationi. Vnde non solū turpe mihi videtur, timere id qđ vitari nequit: sed et spero cum ad illud punctum venero, non modicā, gratia Iesu Christi, sentire consolationem. Præterea finis iste adhuc procul abest. Scio .n. me (fortuitis euentibus sepositis) nō moriturum, nisi per purā resolutionem: eō qđ per vitę meę regulā oēs alios aditus morti occluserim. Pulchra, & desiderabilis mors, q̄ natura nobis affert via resolutionis. Cū .n. natura vinculum vitę nostrę effecerit, facilis inuenit modum illius sol.

soluēdi, & dat maiores inducias, vt lenissimè soluat. Talis mors nō obuenit nisi post lōgissima etatū spatia, & vi summę debilitatis; q̃ sensim longo temporis tractu eò rediguntur homines, vt non possint ampliùs ambulare, nec etiā, nisi difficulter, ratiocinari. fiunt quę cæci, surdi, curui; à quibus malis per gratiā Dei video me adhuc procul abesse : & credo animā meā, quæ in huius mei corporis statione nihil inuenit nisi pacem & concordiam, tum inter humores, tum inter sensum & rationem, nō facilè ab ea recessuram, & multis annis op⁹ fore, vt ab ea expellatur. Vnde videor mihi certò posse cōcludere, me multos adhuc annos victurū p̃spera valetudine, f̃ uēdo huius mundi adsp̃ctu & pulchritudine, & sperando idem me facturū per gratiā Dei in altero: idq̃ totum adminiculo virtutis, & sãctæ sobrietatis; cui me adduxi, amicum me constituens rationi, & inimicum sensus, & appetitus. Quòd omnino cuilibet facile est factū, qui vult viuere prout decet hominem.

Superest ergo, cū vita sobria res sit adēdō felix, & nomen delectabile, possessio adēdō facilis, conseruatio ita certa, & firma, vt oēs, qui ingenio præditi, ex animo moneā, hor-
 ter, & deprecet, & hunc opulentissimum vitæ thesaurum obuiis vlnis amplectantur. Qui thesaurus sicut oēs alias opes huius mūdi superat (adfert enim nobis vitam longam & sanam) ita dignissimus est, quem omnes ament, inquirant, & possideant semper.

Hic thesaurus est sancta illa sobrietas, grata Deo, amica naturę, filia rationis, soror virtutis, socia vitæ temperatę, modesta, nobilis,

Vixit post eā multos annos, nā anno xcy. etatis totus sanus & alacris alium tractatū edidit.

25 Exhortatio ad ṽ sã sobriam.

bilis, elegans, paucis contenta, ordinata, & suis functionibus distincta.

Ex ipsa tãquam radice nascitur uita, sanitas, alacritas, industria, rerũ honestarum studia, & omnes actiones dignę animo benè morato & cõposito. Ei fauēt leges diuinę & humanę. Procul ab illa tamquã nebulę à sole, fugiūt repletio, saturitas, crapula, humores superuacanei, uapores noxij, intēperies, febres, dolores, n̄ cērores, & mortis pericula. Sua pulchritudine allicit animos generosos, sua securitate promittit omnibus amicã & longã uitę cõseruationē: sua facilitate inuitat quēlibet cū exigua molestia ad obtinendas eius uictorias. Deniq; promittit se fore benignã custodē uitę tã diuitis quã pauperis, tã maris quã femine, tã senis quã iuuenis. Diuitē docet modestiã, pauper ē par simoniã, uirũ continentia, feminã pudicitia, senē qua ratione mortē à se defendat, iuuenē ut firmiorē spē uitę habeat. Sobrietas sensus reddit purgatos, corpus agile, intellectũ uiuacē, animũ alacrem, memoriam tenacem, motus expeditos, actiones promptas & faciles. Per illã anima ueluti terreno pondere exonerata, experitur magna ex parte suam libertatem: spiritus suauiter per arterias discurrūt, sãguis blādē per uenas diffunditur, & calor tēperatus ac blādus facit tēperatos & blādos effectus. Denique nostrę potētię pulcherrimo ordine seruāt gratissimã armoniã.

O sanctissima & innocentissima sobrietas, unicum naturę refrigerium, benigna mater humanę uitę, vera tã animi quã corporis medicina: quantum te mortales lauda

re

re,quâto affectu, & prôptitudine amplecti
 deberét. quia præbes illis modû,quo maxi-
 mû huius vitæ bonû, vitâ inquâ, & sanitatē
 tueâtur. Utinâ ipsis tua bona perspecta forēt *Ex alio*
 præsertim iis qui vitæ sâctę, & spirituali de *tracta-*
 dici,in monasteriis cōtēplationi, & orationi *tu pag.*
 vacâ. Quantò,& ipsi,& eorû actiones sum *22.*
 mo Deu gratiores forent,si totos se ad te co *quę scri*
 lendâ confetrent. Quantum hunc muncû & *psis an*
 Ecclesiâ Christi exornarent. Nâ in terris æ- *no æta.*
 stimarentur vt venē Patres sancti,sicut olim *tis xcv.*
 habitu fuere antiqui Eremitæ, Religiosi, & *ad Reli*
 Episcopi: qui præter vitâ spiritualē et hanc *giosos.*
 sobriâ seruabant. Sicut hi viuendo hoc mo-
 do ultra 100. annos sæpenuerò etatē ex-
 tendērunt,& multa miracula patrarunt: ita,
 & illi facerēt,eâdem durē secuti. Effen: præ-
 terea sani,cōtenti,alacres, vbi modò magna
 ex parte sūt morbidi,melâ. h. alici, inquieti,
 sua sorte nō cō ēti. Et quia aliqui dicūt ista
 illis à Deo immitti,vt exerceat illos patiē-
 tiâ,& ipsi pro peccatis suis penitentia agât:
 ego puto illos decipi: quia nō possū crede-
 re,* Deo placere vt homo opus,& imago ip ** Puta*
 sius,quē rāto opere amat, viuat infirmus, me *ex se,*
 lācholicus malè cōtētus: quin potius illi pla *& ordi*
 cet,vt viuat sanus,alacris,benè cōtētus. Sic *narie.*
 .n. viuebāt sancti Patres,& ita meliùs serue-
 bāt diuinæ Maiestatī, orationibus, & sanctis
 operibus vacādo. O quâm pulcher esset hic
 mundus, si tales essent religiosi huius tēpo-
 ris; quia nūc sunt plures religiones & plura
 monasteria quâm olim erant: in quibus si re-
 gula sobriæ vitæ seruaretur,magnus esset ve-
 nerandorū senum doctrina & sanctitate emi-
 nen-

nentium numerus, quos orbis suspiceret. Neque idcirco deessent vitæ, ordini, & regulæ viuendi, quam religio vel monasterium statuit, sed potiùs hanc redderent perfectiorē. Nam in omni religione concessum vesci pane, & bibere vinum, & interdum vesci ovis, & in quibusdā permixta etiā caro: præterea variæ sorbitiones, acetaria, fructus, & odorum tortulæ; qui cibi sæpè illis nocent, & aliquibus vitam adimunt: sed quia ab Ordine concessi, illis vtuntur, cogitantes forsitan se peccaturos, si aliquid ex illis relinquerēt. Verùm non peccarent, imò magnum bonum præstarent, si vbi trigessimum ætatis annum excessere, illos relinquerent, & inciperent viuere pane & vino, cum panatella ex pane & ouis cum pane. Hæc est vera ratio conseruandi hominem à prauis succis, & humoribus, malaq. complexione: estq. multò laxior q̃ illa sanctorum Patrum antiquorum in desertis, qui solum fructibus siluestribus & herbarum radicibus vescebantur, & aquā bibeant: & nihilominus diutissimè sani, alacres, & benè cōtenti vivebant. Idem eueniret religiosi huius ætatis, quibus est hac ratione faciliior esset ascensus in celū, quod omni fidei Christiano semper patet; postquam Dominus noster, sparso pro nostra redēptione suo pretioso sanguine, illud semel nobis aperuit.

Possem hic plura alia in commendationē vitæ sobrię in medium adferre: sed quia nō est mihi propositū conscribere panegyricū, finem facio, vt & ipse sim sobrius in hac causa; reliquis in aliam occasionem dilatis.

